

皇明從信錄

皇明從信錄卷十

東莞 陳建輯

秀水沈國元訂

乙亥

洪武二十八年

正月鎮守雲南西平侯沐春討越州叛酋阿資斬之先是  
越州蠻龍海子阿資據龍窩殺掠害民命諸將征之師無  
功自後無敢議伐者愈肆猖獗春復討之衆往往如此以爲難進兵  
紫溪山擒其黨者宗春謂衆曰歷年不獲此寇者彼恃其  
地多險阻及各處土酋皆姻婭得以匿之今調土酋悉從  
征設謀羈絆俾不能通復多置營堡相犄角其出入授首  
必矣乃進兵至赤窩果獲阿資梟其首以殲并誅同惡三

要領得左  
成功可必

百餘人、饗夷震服、

二月宋國公馮勝卒、○山東布政司言、青兗、濟南、登萊五府、民稠地狹、東昌則地廣民稀、雖嘗遷閒民以實之、而地之荒閒者尚多、乞令五府無田之民、分丁就東昌開墾、以足民食、命戶部行之、

三月、秦王征土蕃回、以疾薨、謚曰愍、王子尚炳嗣王、

四月、勞諭遼東、海南、臨洮、大同、西河、西涼、寧夏、至古北口、西蕃、諸指揮使、令固疆圉、○諭遼東曰、滄海之東、遼爲首疆、中夏旣寧、斯必成守、乃有蓋州諸將、共意來庭、固守其地、以待命、北夷罔知天命、屢害生民、舊冬十二月、寇金州、

爾指揮雲卿等忠義于天苦周七卒以寡敵衆遼蓋諸將  
深謀扼險渠魁已獲朕甚嘉之○諭海南曰南溟浩淼中  
有甸藩方數千里地多炎熱時忽瘴癘爾等率壯士連歲  
戍此朕甚念之○諭西涼曰朕惟涼州之域北控胡沙西  
南制戎羌爲鳥鼠同穴之地天時早寒今暑退金風生爾  
等禦邊甚勞朕甚憫之茲特遣使勞爾爾宜外張威武內  
懷多仁以服戎羌○諭寧夏曰寧夏之邑青山面河胡人  
介之以爲旅拒趙元昊用之矣大將軍掃清河漢今命爾  
守此關內之北門胡人之前戶卿其旌旆濟謀無怠下至  
昌國守禦千戶亦御劄問存○停造遼王宮室勅武定侯

國初止下  
凡之趨陽  
既得此  
情如光  
今有冠在  
門庭前  
知而不知  
以智聞者  
何耶

郭英曰遼東軍務物情來者多言其艱苦况遼境營繕不  
宜盡力以困之今役作軍士皆強悍勇力善戰之人勞苦  
過多心必懷叛故往往逃伏草野山澤間乘間劫刺近者  
高麗表奏言多不實朕已命有司究之聞彼自國中至鴨  
綠江凡衝要處所儲軍糧每驛有一萬二萬石或七八萬  
十數萬石藏乎女直皆使人誘之入境此其意必有深謀  
朕觀高麗自古常與中國爭戰昔漢唐時遼東地方皆為  
所有直抵永平之境侍遠不臣時時弄兵自古無狀今遼  
東乏糧軍士飢困倘不即發沙嶺倉庫賑之必啓高麗招  
誘遁逃之心使高麗出二十萬人以相警諸軍何以應之

今營繕造作暫宜停止且令立營屋以居十年之後再爲之古人言人勞乃易亂之源深可念也

七月河南確山縣野蠶成繭羣臣表賀上曰野蠶成繭

足以衣被天下之人朕當受賀一邑之內偶爾何用賀爲

宋史卷一百一十五

八月命征南將軍左右副將軍韓觀宋晟參議軍事兵部尚書唐鐸帥師討廣西龍州土官趙宗壽及奉議南丹向武等州叛蠻

按趙宗壽土官趙貼堅之姪也洪武初貼堅稱藩納款誠事朝廷及其已故其妻乃與安置鄭國公常茂結爲婚姻誘合諸酋謀爲不道朝廷諭宗壽捕茂延緩慢命故與師問罪

貴州土官阿主作亂都指揮顧成討平之○信國公湯和

異是考也  
難示

審古人之  
諸美

卒先是和既歸鳳陽暮年多疾上眷念之每歲必一召  
入觀賜以安車入殿庭宴賚備至相對語舊勞撫摩感泣  
賜緡錢預為塋葬之資至是卒上嗟悼輟視朝親為文  
授使者以祭封東甌王謚襄武塑像功臣廟復配享太  
廟上之初起兵也和為滁陽王部曲率先推戴聽命惟  
謹願上嘉焉恩禮之隆時莫與比

按王沉毅質直勇而善斷不妄發言人聞其言一語不  
從行師授任奉詔即行不少顧家臨敵果敢堅忍未嘗  
挫衄有語及兵書者輒笑曰臨陣決機在智識敏速何  
泥古為宋高宗朕妾百餘募年皆資遣歸實湯多惠鄉鄰  
父老及孤寡無告者予五人門立功陞督府食事征雲  
南卒贈信世子乾人厚護衛鎮撫其卒禮督府府同  
知証五國辛女妃魯王賜子晟初授給承樂元年卒子  
文華文雅子傑皆病卒不封嗣係于倫信子繼宗弘治

中書爲南錦衣指揮使續封靈璧侯嘉靖十四年子  
佑賢嗣王孫胤勛居丹徒景泰元年孫繼嗣爲其右  
校錦衣一百戶尋陞正千戶從楊緒趙榮使瓦剌還陞指  
揮僉事充參將延綏虜寇邊遇害胤勛才志敏捷知兵  
善談論能文詞

龍州土官趙宗壽伏罪來朝命楊文等移師奉議等處

九月燕王進呈永清左衛龍門東嘉禾一莖三穗者二本

二穗者六本上親製嘉禾詩賜之○徙岷王國于雲南

○重定尚宮尚儀尚服尚食尚寢尚功六局及宮正司并

神宮尚寶孝陵神宮尚膳尚衣司設內官司禮御馬印綬

直殿十一監午門東華西華玄武武奉天左順右順七門鐘

鼓惜薪二司兵仗內織染針工巾帽司苑酒醋麵六局內



承運司鑄內府供用三庫東宮典璽典藥典膳典服典兵  
典乘六局親王府承奉司典寶典膳典服三所與門官內  
使等官品職○免五府糧詔曰朕二十八歲渡江二十九  
歲入建業勵兵秣馬與羣雄並驅旌旗甲仗一應供給皆  
出我江東五郡之民太平應天寧國鎮江廣德以此平定天下禍亂海  
內寧謐今朕老矣思民効勞無可撫字今年合納官秋糧  
盡行蠲免少蘇前日之勞○又詔以山東布政司供給遼  
東軍裝山西北平軍需民勞已甚今年應納官秋糧盡行  
蠲免

閏九月皇明祖訓成。上自爲之序曰。朕觀自古國家建  
法立制。皆在始受命之君。當時法已定。人已守。是以恩威  
加于海內。民用平康。蓋其創業之初。備嘗艱苦。閱人既多。  
歷事亦熟。比之生長深宮之主。未諳世故。及僻處山林之  
士。自矜已長者。甚相遠矣。朕幼而孤貧。長值兵亂。年二十  
四。委身行伍。爲人調用者三年。繼而收攬英雄。習練兵之  
方。謀與群雄並驅。勞心焦思。慮患防微。近二十載。乃能肅  
除強敵。統一海宇。人之情僞。亦頗知之。故以所見所行。與  
羣臣定爲國法。革元朝姑息之政。治舊俗汚染之徒。且羣  
雄之強盛。詭詐至難服也。而朕已服之。民經世亂。欲度兵

辭語自出  
歷過來故  
出之與絕  
使讀者覺  
心煩骨

野字誤

荒務習奸猾。至難齊也。而朕已齊之。蓋自平武昌已來。即  
議定著律令。損益更改。不計遍數。經今十年。始得成就。頒  
而行之。民漸知禁。至于開導後人。復爲祖訓一篇。立爲家  
法。大書揭于西廡。朝夕觀覽。以求至當。首尾六年。凡七磨  
稿。至今方定。豈非難哉。蓋俗儒多是古非今。奸吏嘗舞文  
弄法。自非博采衆長。即與果斷。則被其眩惑。莫能有所成  
也。今令翰林編輯成書。禮部刊印。以傳永久。凡我子孫。欽  
承朕命。毋作聰明。亂我已成之法。一字不可改易。非但不  
負朕垂法之意。而天地祖宗亦將予佑于無窮矣。嗚呼。  
其敬戒之哉。

權聖祖  
方能用權

按洪武六年祖訓錄已作更改漢登直至洪武末始定恭誦聖祖訓生長深宮之主未諳世故及辭處山林之士自矜已長自古國家治日常少亂日常多無不緣此爲戒遠矣

祖訓首章云朕自起兵至今四十餘年親理天下庶務人情善惡真偽無不歷涉其中奸頑之徒情犯深重灼然無疑者特令法外加刑意在使人知所警懼不敢輕易犯法然此特權時處置頓挫奸頑非守成之君所用常法以後子孫做皇帝時止守律與大誥並不許用黥刺剕劓閹割之刑云何蓋嗣君生長內宮人情善惡未能周知恐一時所施不當誤傷良善臣下敢有奏用此刑者文武羣臣即時劾奏將犯人凌遲全家處死○又一章云四方諸夷情

聖祖無不  
知亦無不  
引之同言  
之老吁真  
不可及矣

限山隔海僻在一隅得其地不足以供給得其民不足以  
使令若其不自揣量來擾我邊則彼為不祥彼既不為中  
國患而我興兵輕伐亦不祥也吾恐後世子孫倚中國富  
強貪一時戰功無故興兵致傷人命切記不可但胡戎與  
西北邊境密邇累世戰攻必選將練兵時謹備之

臣建曰觀此二章見我聖祖慎重兵解之謨焉治內  
不外之畧焉見貽謀燕翼之道焉見創業守成之跡焉

工歲祿萬石并定郡王將軍中尉王君祿郡王子

除嫡長子襲封外餘皆授鎮國將軍

食祿一千石

郡王孫授輔

國將軍

食祿八百石

郡王曾孫授奉國將軍

食祿六百石

玄孫授鎮

國中尉食祿四百石五世孫授輔國中尉食祿三百石六世孫以下

世授奉國中尉食祿二百石皇女曰公主食祿二百石親王女曰郡

主食祿八百石郡王女曰縣主食祿六百石郡王孫女曰郡君食祿四百石

石曾孫女曰縣君食祿三百石玄孫女曰鄉君食祿一百石

按自成化以來宗室分封日繁日盛一遇歲獻常賦不足以供親王而下多減半支給矣然近年宗室愈繁盛

雖減半支給常賦猶難更數千百年當益厯廟堂之處而不可無變通之術矣

王世貞曰麟趾振振益斯日蕃殷之孫子其屢不使雖盡大農之賦不足以養之而浮繁一減祿常不給仕宦

永絕農商莫通于是得王不知南面之倫支子更起齊民之慕司農宗伯技理笑困而無所措手更有請減歲

祿者有限官膳者甚而有限支子者要之徒損天子親親之名而無益于大計愚竊以為海內太奢十有五

六其得封者獨河南山東山西河廣陝西江西而已其僅有一王不足累自南直隸及浙西三郡財賦之地不

足以開朱邸其地若國若廣若漢若貴若蜀之重關新  
之東南諸望郡可以舉周韓晉代郡王而下其困不給  
者分徙而居之官為量給道里居室之資所徙非大國  
則其民易支所徙皆附宗縣其人無不悉土奉國中尉而  
下止以築室取歸官給資裝而通屬籍不于冠蓋不  
奉歲祿不限城野林者給其補博士弟子取科第不林  
者皆西民之業以自給年六十始予本品服優之諸  
漢實自鎮國以上以品為官服而仁奉惠輔國以下如  
齊民而不絕其仕路庶幾可以展轉而支百年夫疎不  
問親下不議上此在 天子獨斷而行之非可以人臣  
與也易曰窮則變變則通通則久此又不可舍置弗觀  
悉也是議大足採而當事者每牽回于因循漢葉困頓  
其谷  
伊何

冬十月冊馬氏為 皇太孫妃光祿寺卿馬泉女也○楊  
文等師至奉議州分兵勦向武都康龍英等州斬叛酋黃  
世鉄黃嗣徽等又征南丹州斬其酋莫金分兵勦六藤峽

軍後而擬  
 尊先之者  
 民間猶承  
 失次遠東  
 復多端  
 聖祖深見  
 以所中人  
 心之安慈  
 仁式千古  
 矣

江南嚴蓮花寨等處匪賊擒戮其叛酋陸允公等餘悉撫  
 定之擒賊共一萬八千餘人開設奉議南丹潯州慶遠四  
 衛向武池河懷集賀縣四守禦千戶所鎮守其地遂班師  
 ○上以子孫蕃衆命名慮有重複乃于東宮諸王世系各  
 擬二十字爲一世以某字爲命名之首其下一字則臨時  
 定議以爲二名編入玉牒至二十世後復擬續增如燕王  
 位下二十字則曰高瞻祁見佑厚載翊常由慈和怡伯仲  
 簡靜迪先猷是也

十一月侍臣進講尚書無逸篇上曰朕嘗令儒臣書于  
 殿壁朝夕省閱以爲鑒戒今日講此深愜朕心聞之愈益



禮制集要

禮制集要

禮制集要

十二月洪武志書成。○是年給事中傅安郭驥使西城。

丙子 洪武二十九年

正月杜澤為吏部尚書。○上罷朝從容問左右民間事禮

部尚書門克新對曰聖澤深廣天下之民各安生業幸蒙

至治。上曰雖堯舜在上不能保天下無窮民若謂民安

業朕恐未然何逮言至治。○擢韓觀都督同知賜第京師。

○選才間右以浦江鄭沂為禮部尚書鄭榦為監察御史

按洪武中多選用倪戶人材湖州富民嚴震直授布政司參議累官至尚書蘇州富民沈萬四有孫曰玠擢戶部員外郎玠父官縣縣上器重之如丘顯湯行之屬皆大凡蓋洪範所謂凡厥正人既富方教亦聖王用人

之一  
道也

定天下官員朝覲之制以辰戌丑未年為期○朝鮮王李

前此一正  
一朝三  
年一朝  
為便

旦即李成桂遣人請印諸不許

二月征虜前將軍胡冕討彬桂蠻平之命潯常州武進縣  
奔牛呂城二壩河道以便漕運

在靖遠不  
在察兵

三月燕王奉勅率師北至徹徹兒山遇胡兵與戰擒其首  
將索林帖木兒等數十人追至兀良哈忒城遇哈刺兀復  
與戰敗之遂班師

四月命會同翰林院考國子監六堂師弟子甄別高下送  
吏部以次擢用

五月湖廣辰沅諸郡宜桑乃命淮徐取桑種二十石遺之使分給布種。

以董仲舒從祀孔子廟廷罷莽大夫楊雄從先是行人司副行人楊砥上疏言孔子廟廷從祀諸賢皆有功于世教若漢楊雄嘗仕王莽忝列從祀以董仲舒之賢反不與焉事干名教甚爲乖錯宜及時改正黜雄進仲舒以彰公典上從其言

八月頒表箋文武式于天下前是諸司所進表箋多務奇麗上厭之乃命劉三吾王俊華等狹慶賀謝恩表箋成式頒於天下人皆便之。

復先應天五郡今年秋稅。

改六部屬部爲清吏司。上以六部之屬皆稱部混而無別故易其名。

九月大賚致仕武臣諡之曰元末兵興中原鼎沸人不自保爾諸將臣從朕效謀宣力共平禍亂勦勞備至天下既定論功行賞使爾等居官任事子孫世襲永享富貴朕思起兵時與爾等皆少壯今皆老矣久不相見心恆思之故至召爾等來所賜薄物以資養老爾等還家撫教子孫以終大○聖○明○事天年諸臣皆感激叩首謝有墜淚者

十月詔定各司奏事次第○甲寅晦皇曾孫文燧生太孫

稽古定制

聖祖厚以  
古人期望  
臣子寧忠  
負之

允攷長子也。上以十月數終又生于晦日命內庭勿賀。  
十一月詔翰林院議定制。凡官民房屋墳塋等第及食  
祿之家禁例爲書名曰稽古定制頒行天下。○以修撰張  
信爲侍讀編修戴義爲侍講諭之曰官翰林者雖以論思  
爲職然旣列近侍旦夕在朕左右凡國家政治得失生民  
利病當知無不言。昔唐陸贄崔郾李絳之徒在翰林皆能  
正言講論補益當時顯聞後世爾等當以古人自期毋負  
朕擢用之意。○以都督顧成充總兵官掛征南將軍印率  
貴州都司軍馬征勦水西不納糧差蠻夷十二月攻破濶  
水尅宗那革賈母龍等關寨斬首三千餘級俘獲二千餘

一人成有勇略鎮貴州二十餘年前後剿平峒寨擒斬蠻賊不可勝計諸夷懼服

按成揚州江都人永樂初封鎮遠侯開國功臣至永樂方封侯者惟朱晟顧成二人

復永州府知府余彥誠十人官初彥誠與齊東知縣鄭敏等十人先後坐事逮獄至是其耆民具列各官善政請關以請上嘉之賜彥誠等襲衣靴鈔遣還仍給耆民道里費

丁丑 洪武三十年

正月征西將軍長興侯耿炳文副將軍武定侯郭英備虜關中○漢沔盜起炳文討平之○都督楊文往遼東操練

軍馬提調屯田○頒爲政要錄其書載文武官屬體統及  
會書案牘次第軍士月給廩餼與宿衛之禁屯田之政凡  
十三條○初置雲南提刑按察司○改太常光祿二司爲  
寺儀禮司爲鴻臚寺○諭川陝守邊衛所申嚴私茶出境  
之禁。

二月會試天下貢士翰林院學士劉三吾安府紀善白信  
蹈爲考試官取泰和宋琛等五十二人中原西北士子無  
預者三月殿試賜進士以閩縣陳郊爲第一被黜落者咸  
以爲言上怒命儒臣再考下第卷中擇文理優長者復  
其科第于是侍讀張信侍講戴興贊善王俊華司憲司直

張諫校書嚴叔載正字董貫二府長史黃章紀善周衡王  
楫等受命閱卷或傳三吾與信蹈至其所囑以卷之最陋  
此命並其者進呈上閱卷驗之果以不堪文字奏進益怒謂其胡

監餘黨命刑部拷訊惟三吾信蹈及司憲爲監黨餘皆胡  
黨戴奕不與焉詔宥三吾謫戍邊餘皆凌遲于市於是親  
閱取六十一人皆北人也○古州上波洞蠻林寬作亂聚  
攻龍里守禦千戶吳得鎮撫井孚令人馳報貴州都司壁  
守以待其援賊攻燒益急得曰我等爲國守邊又有父母  
在城今賊勢如此若城不能守父母不能救是不忠于君  
不孝于親吾何用生爲卽率麾下馳入賊陣中殺數十人



搏戰不已遂中毒死乎繼戰亦死于陣城遂陷事聞  
上曰忠孝立身之大節能克全者古人所難今吳得并  
臨難捐身因忠顯孝非烈丈夫不能命追贈得爲指揮  
事乎爲正千戶各令其子襲職仍以鈔帛恤其家

四月晉王燕王練兵備虜○陞刑科給事中張思恭爲刑  
部右侍郎人有暮夜以金遺思恭者思恭却不受其人委  
金而去詰旦思恭言于朝不古其人更厚上善思恭有守遂陞其官仍

以其金賜思恭○令民有一材一藝者得自陳效用○命  
燕王築大同城

五月天下講讀大誥師生來朝者凡十九萬三千四百餘

人並賜鈔遣還。○勅晉燕代遼寧谷六王勅兵備虜。

六月賜禮部覆試貢士韓克忠等進士出身有差。○翰林院學士劉三吾恭卒。

詩林記云：太祖嘗欲易太子。學士劉三吾痛哭曰：太子天下本，若欲易之，置秦晉二王于何地？作旨降為博士尋復學士易儲事竟寢又考文皇帝封建詔亦歷于秦晉二王而不果爾至洪武末二王相繼薨而聖祖隨亦晏駕使更得一二年在位其立文皇為嗣無疑而天下免數年戰爭之苦矣嗚呼宣羽運錄所謂殺運猶未除耶。

駙馬都尉歐陽倫有罪賜死先是立茶馬司於陝西四川等處令西番納馬易茶以私茶出境者斬關隘不覺察者處極刑時駙馬倫奉命西使以巴茶私出境貿易倚勢橫

擾藩閫皆阿順不違倫令陝西布政司移文所屬起車載茶渡河州倫家人有周保者索車至五十輛蘭縣河橋延檢司史某被捶不堪以其事聞上怒以布政司官不言并倫賜死保等皆伏誅

按倫尚帝女安應公主高皇后所生也國初行法之嚴雖貴戚至親不少貸如此是以法必行而天下之民家其福

七月上諭群臣曰凡人所爲不能無過舉而其心則有公私但當平其心以觀之若其心本公而所爲之事不當此則識見未至若緣私意而有繆戾者此則其故爲之也君子小人於此可見然君子之過雖微必彰小人之過雖

後來奉行  
不力初意  
察不可同  
矣為之一  
嘆

大弗形蓋君子直道而行。不事掩覆。小人巧於修飾。多所

隱蔽。人若不察于此。則君子小人莫辨矣。○勅楚王湘王

率其軍築銅鼓城。○置都知監。掌內府各監行移銀作局。一應關支勘合

掌造內府  
金銀器用

八月詔諸王府宜各守定制。不許私有興造。勞吾民。匠若

有應須造作而不可已者。必奏請方許。○定諸王見東宮

禮

九月 上命戶部下令天下人民。每鄉里各置木鐸一。內

選年老者。每月六次持鐸徇于道路。曰。孝順父母。尊敬長

上。和睦鄉里。教訓子孫。各安生理。毋作非為。又令民每村

置一鼓凡遇農種時月清晨聚眾鼓鳴皆會田所及時力  
田其怠惰者里老人督責里老緩其怠惰不勸督者罰又  
令凡遇婚姻死喪吉凶等事一里之內互相賙給不限貧  
富隨其力以資助之庶使人相親愛風俗厚矣

十月重建國子監先師廟成○停遼東海運

十一月平緬蠻刀幹孟叛逐宜慰使思倫發命西平侯沐  
春爲征虜前將軍何福徐凱爲左右副將軍率師討之○  
上御奉天門見散騎舍人衣極鮮麗問制川幾何曰五百  
貫責之曰農夫寒耕暑耘早作夜息蠶婦繰絲緝麻績績  
手成其勞旣已甚矣及登場下機公私逋索交至竟不能

爲已有食惟粗糲衣惟垢敝而已。今汝席父兄之庇生長膏粱紈綺之下。農桑勤苦。渺無聞知。一衣制及五百貫。此農夫數口之家一歲之資也。而爾費之于衣。驕奢若此。豈不暴殄。自今切戒之。

十二月 上不豫。廷臣數問安。勅之曰。昔有元治世。民庶乂安。何期至正之君。失于勤民。慢于事神。由是假手羣雄。倡亂華夏。兵興之時。朕潛艸野。不得已而從戎。當時倡亂稱尊者幾人。恣爲吞併。自相磨滅。如此者十有七年。朕西定荆楚。東平吳越。北撫華夏。爲衆所推戴。定鼎金陵。國號大明。改元洪武。三十年于茲。朕壽亦七十矣。靜而思之。非

與也。惻惻乎不  
乎。如傷也。  
介。安。焉。得。  
文。武。而。一。  
之。矣。

皇天眷命。安得居天位。若是久哉。古語云。天不與首亂。豈  
非朕無心于天下。以救民爲心。故天特命之乎。近者失調。  
受疾。卿等頻來問安。禮也。堯舜禹湯文武之世。皐。夔。稷。契。  
伊。傅。周。召。爲之臣。其有志匡王一也。朕以此示卿等。宜竭  
忠修職。副朕至懷。○是年太子少保掌刑部事唐鐸卒。

戊寅

洪武三十一年

正月詔督山東河南民耕。上以二省民情于農事。以致  
衣食不足。乃命戶部遣人材分詣各縣督之。仍令籍其丁  
男所種田地。與所收穫之數來聞。○定吏員出身資格。以  
九年爲考滿。

三月廷臣請討朝鮮不許○乙卯享太廟○晉王薨謚曰恭○齊泰爲兵部尚書

按素澤木人初名德洪武丁卯應天鄉試第一得受知于上改賜今名初授禮部主事一日雷震遽身歿上解禱于天擇九年無過官員陪祀奉預焉乙亥選兵部左倚郎至是遷尚書常被召問邊將姓名奉歷數無遺又欲考諸國籍奉出袖中手冊以進甚悉自是益承眷寵

四月罷回回欽天監○勅邊將分道率兵從燕王代遼寧谷王出兵北平禦虜

五月西平侯沐春擒刁幹孟思倫發還平緬時都督僉事徐凱亦執木瓦寨叛首賈哈刺送京師伏誅

按賈哈刺摩北土寨也初王師克建昌授以指揮率領其部落後與月魯帖木兒叛走掠十木瓦寨其地峻險



官軍不得進至  
是與用計執之。

甲寅 上不豫。○命都督楊文總兵北平、參贊燕王。○總  
兵武定侯郭英、副總兵宋晟從遼王出開平備虜。○置成  
都聖慶保寧三府及播州宣慰司茶倉四所收貯茶課聽  
商人交易及與西番市馬。○上病少間。輦出御右順門召  
諸醫官治疾無狀者盡付獄。獨召元禮至榻前曰。汝仁義  
人也。事無預汝無恐。

按燕元禮名思恭以字行金華人學于丹溪朱彥修初  
仕御醫事太祖藥餌輕放風雨即免元禮朝太祖  
前大孫即位誅諸侍醫者獨拜元禮大醫院使遼簡  
王肅莊王慶靖王皆奔喪至京謁太孫道太祖詔  
天問等元禮簡王題仁義子大執莊王靖王為贊誅賜  
元禮或曰文皇以醫患陛下元禮院使者誤也初洪武

以此心上  
下天人氣  
是俯仰無

丙寅、文皇患瘧、韓公懋治、又不愈、請元禮至、問所用藥、曰、是也、人問、文皇嗜何物、曰、生芹、元禮曰、得之矣、授一劑、夜基下、視之、皆細蝗也、晉恭王病、亦請元禮得愈、病已復發、卒、太祖怒、遣治王國諸臣、元禮持曰、臣嘗奉命療王、王疾臣藥數矣、臣對王病、毒在膏肓、即復作、不可治、今果然、太祖遂釋晉王諸臣、尚書穀震直病、上令元禮好治之、否且令陰一劑而愈、有妃嗜燒酒、腹痛、治之愈、曰、十年必復發、發不可治、後十年、竟病廢、病死、王賓者、吳中高士、願受元禮方書、元禮索賓拜師事我、我與方書、賓不肯、一日請元禮、值他出、有書入、冊案上、賓袖去、元禮歸、驚嘆自失、賓不娶、臨終、以書授于盛厓東韓叔陽。

閏五月乙酉、上崩于西宮、遺詔曰、朕受皇天之命、膺大任於世、定禍亂而偃兵、安生民於市野、謹撫馭以膺天命。三十有一年、憂危積心、日勤不怠、專志有益於民、奈何起自寒微、無古人之博智、好善惡惡、不及多矣、今年七十有

一筋力衰微朝夕危懼慮恐不終今得萬物自然之理其  
奚哀念之有皇太孫允炆仁明孝友天下歸心宜登大位  
以勤民政中外文武臣僚同心輔佐以福吾民莫祭之儀  
一如漢文帝勿異布告天下使知朕意孝陵山川因其故  
無改諸王臨國中無得至京王國所在文武吏士聽朝廷  
節制惟護衛官軍聽王諸不在令中者推此令從事

皇明王陽明曰帝性神武明達睿智有大度始渡江時  
羣雄多淫酒肆後自蜀為誘帝獨克已下人勿求度  
侯尊以賓禮聽受其善晝夜忘倦勤于聽斷四鼓即興  
未明而朝日晏始罷稍閒即與諸儒講論經史聽政至  
先乃還宮隆寒暑暑不常少發體或不豫亦強不替凡  
有陳論無問卑賤皆令引見問夾有小舉終夕不安寢  
思罪惡之宜節于自奉非宴羣臣不特設盛饌功業益  
崇念尚儉禮謹于禮度對羣臣必正衣冠漢吳之過躬

拜大將以慰其勞其訓諭羣臣徵引古道出言成文勅  
賜典詰自爲詔勅頃刻即成思如前機用兵料敵機變  
如神成算所授無不克捷諸將奉命成功不吝官賞天  
地嚴于禮祀乘主憂勞體畏若神降臨其心愛民尤矜  
戎將活及降精銳難每爲涕泣凡大姓義井官僚貪濫  
誅惡族之犯者必置諸法崇尚教化親視勸懲樂制度事  
物防範弊不備具煥然可述春秋已高竊勤爲治防馬  
改爲邊防較兵籍孜孜不息山陵之制皆預營度務節  
儉罷用陶瓦嗚呼其

謂聖神之極矣

謝鐸曰我朝度越歷代五事一擴克夷狄以收復諸夏  
二肇基南服而統一天下三威加勝國而鋒刃不交四  
躬自創業而臨馭最久五申明祖訓而家法最嚴  
郭曉曰帝本天縱之資瞬迹四里見元政凌夷秦隳  
並起悉爲殘虐天下大亂獨焉爲事所至安堵十餘年間  
降法令明約束務以寧輯爲事所至安堵十餘年間  
肅房寇平一天下雖曰天命人歸要亦神武不殺之所  
致也即位之初制作禮樂修明典章興舉廢墜定邦祀  
建學校崇儒術育賢才罷黜異端表章經籍謹宮室之  
政嚴官寺之防杜威里之謁正神鬼之號嚴祭祀之典

恭禋祥推曆數審法度詰兵戎斥侈靡絕遊幸却異味  
辭解端駁極四夷恩威浹洽昧爽臨朝日晏忘食虛心  
清問從善如流神謀睿斷照見萬里上初不識書每  
退朝暇延接儒士講論經史又取古帝王嘉言善行書  
之殿廡出入省視凡詔命令揮筆立就或命侍臣立  
榻下操筆授詞混混十言皆淳雅高簡不達物情戒諭  
臣下勸引經史諄切懇至聽者感動誠初于孫臣庶具  
有成書足法萬世至于罷訟任達仁國尊高年興孝第  
勸農桑蠲逋負極廉能斥貪酷推好俊信善良寬仁愛  
人專務德化三十餘年吏靖民安海內殷富功德文章  
巍然煥然過古遠矣

廣州志黃太史佐口國初驛下多從重典藩臬守令稍  
有賦罪懷印未煖即逮之去非遠戍則門誅其有異政  
者不貸已位朱紫矣以故居職端端惟恐不能奉法

漁民以奉養緣由中送外百職墮舉  
龍溪記略載云帝嚴于吏治凡有貪黷縣令許里老  
解赴京師劾皮問罪每午各州縣選有德行里老二人  
赴京陳說政務或庶民受害許赴御前陳訴官職至十  
兩以上者最首示衆仍剝皮置草以爲將來之戒十  
川縣前所之左特立一廟以祀土地爲剝皮之場名

曰皮場。廣于公至。俯各置一剥皮貫。

草之資。欲使其常接於目。而警於心。

傳信錄云。洪武間。朝廷清明。法度嚴密。善無微而不錄。

惡無微而不誅。有爲老人。怕做人材。計爲惡忌。不識字。

以冀免者。如山西平陽縣民孫敬先。是也。有以人爲計。

史慮事累及。詐以它尸作己名。而賂職相埋。而潛遁去。

如太平府當塗縣楊岡。是也。此類甚多。不可枚舉。

然事露。一境不免於誅。一時嚴密氣象。可以見矣。

我園雜記。僧慧陳。涉獵儒書。而有戒行。嘗預修永樂大

典。歸老太倉與福寺。嘗記坐客云。此等秀才。皆是討債

的。客問其故。曰。洪武間。秀才做官。吃多少辛苦。多少驚

怕。與朝廷出多少心力。到頭來。小有過犯。輕則充軍。

重則刑戮。善終者十二三耳。斯時也。多虧天下士大夫。

這便是還債的。近來聖恩寬大。法網疎闊。秀才做官。

飲食衣服。宮室輿馬。子女妻妾。多少好受用。幹得幾許

好事來。至頭來。全無一毫舉過。今日國家無負士大夫。

天下士大夫。孤負國家多矣。這便是討債的。還債討債。

之說。固佛家緒餘。然謂今日士大夫負朝廷。則確論

也。省之。能無愧乎。

論曰天厭元德九州康濟華胥並作黎民皇皇高祖  
提三尺劍奮起草萊指顧之間豪傑影逝鋒矛所向  
克攻取高皇心知天意有在爰舉有衆以與萬姓  
命一征而取荆襄再征而靖浙江三征而閩海幸從  
征而席捲全齊五征而定周及梁遂取秦晉舉燕趙  
漢掃清關隴底定南蠻北狄東夷西羌海外之邦莫不  
望風奉朔拜伏闕庭于是民義所歸上下神祇咸有依  
托正位之後孜孜圖治綱舉目張文物一新自郊廟以  
及諸神之配禮文咸秩有赫其臨則祀事嚴矣御極  
之初卽立儲位以正青宮則大本定矣衆建諸王列封  
功臣則大分昭矣兵戎之衆自京師適郡府悉皆設衛  
有事則詔大帥佩將印鉞旋則上章發歸士卒而軍  
政肅矣中外官有定制一革冗濫之弊而中禁令嚴賞  
効尤獨嚴于貪墨之法則官常秩矣惠鮮小民惟恐失  
所衆難之徒則不少貸而冠服有別首飾有訓則民志  
定矣宮中不敢預外政外戚亦循理畏法不敢恃寵以  
病民閭寺之類惟給掃除則家範周矣他如優前代勵  
忠節正禮儀之失去海岳之封則積歲之弊其經綸大  
經皆出一心運量文臣武將不過仰受成算而已唐同  
之序大明曆日有曰功高萬古曰得遇之正云得運全

晉曰敬天勤民曰宋法之嚴曰兵政有統其善言聖治而得休烈者哉

皇太孫治喪禮太祖崩于西宮太孫被髮哭踊哀動

左右勅有司喪儀悉遵周禮于是做金縢遺制前朝後殿

左右角門及西宮內寢各設座如生存凡十一所年子不志亡其統之也有久不

御者即以香湯洒埽之陳祖訓于東直殿設重氍于西直

殿京官四品以上朝服執鉞立于諸陛之上自初十以至

十六日哭臨如禮晝不飲勺水夜不就枕簟先是太祖

不豫多暴怒遭譴戮者甚衆太孫入侍事必躬承服藥

則親嘗以進去後則親杖以起唾壺溺器之屬靡不手提

以獻而慘色婉容藹然可掬太祖氣亦漸平多所矜宥

分天子之一節而增  
短二十四  
年之首



深更夜分侍衛辭寢際呼無不應應無不起蓋終夕未  
嘗交睫也。太孫素豐腴至是衰毀骨立矣。是日諸大臣  
迎之于大明門外羣臣百姓望見其毀瘠之容深墨之色  
與哭泣之哀莫不舉手加額曰天子純孝舉喁喁然有  
至德之思焉。靖難錄誣稱太孫奉太祖靈輿后父呂  
本同視西宮嚴禮之主斷不然矣。

是月辛卯皇太孫卽皇帝位詔曰天降下民作之君我  
皇太祖高皇帝受天明命統有萬邦宵衣旰食弘濟斯民  
凡事有益于天下者無所不用其心政教休明規模弘遠  
朕以眇躬纂承大統恭依遺詔于洪武三十一年閏五月

十六日即皇帝位。夙夜祗懼思所以克相上帝寵綏四方以無忝我皇祖之大命。永維寬猛之宜。誕布維新之政。其以明年爲建文元年。大赦天下。於戲德惟善政。政在養民。當遵先聖之言。期致雍熙之盛。百辟卿士體朕至懷。帝諱允孜。太祖之孫懿文太子子也。洪武十年十一月己卯懿文繼妃呂氏所生。生六年而其兄雄英卒。又十年而懿文卒。高祖年六十有五矣。御東角門對羣臣立。學士劉三吾進曰。皇孫世適當于春秋正位儲極四海繫心。皇上無過矣。高祖曰。善。是年九月庚寅册立爲皇太孫。太孫生而慈慧好詩書及古典禮文章。至性孝友。異常人子。方懿文之病瘳也。痛楚號呼。時太孫年十四。含淚撫摩。晝夜不暫離。聞楚聲即惶惶若不欲生。義吮吸之。周市蓋旬餘始愈。太祖聞之呼侍醫問狀。得其寔。數日有孫如此。朕復何憂。更二年懿文疾甚。太孫入侍。面盡苦心。及薨哭踊哀慕。事事如禮。水漿不入口者五日。太祖撫之曰。朕不滅性禮也。爾誠純。

孝獨不念我乎始一吸糜粥欲服三年喪太祖不可然三年內語未嘗高聲咳未嘗露齒不飲食酒肉不舉樂不御內人勸之則曰服可則除情類自致三弟皆親躬撫育之極周居喪之初日則與同食夜則挾之同寢時其飲食適其起居隨事奇誨詳懇有加太祖每聞輒喜一日臨其宮兄弟四人並侍出句云兄弟相族本一身太孫述應祖孫繼體宜同德嗣後中外萬幾時付裁決爾時政治嚴嚴太孫濟以克大中外欣愛戴嘗讀律見中有條制尚嚴者請得稍改太祖許之太孫遂遍考禮經參之歷朝刑法改定七十三條太祖覽竟大喜曰吾當亂世刑宜重汝當平世刑宜輕所謂刑罰世輕世重也如後用刑皆宜遵此帝聽政善處怒輒誅夷狼籍一日退朝怒猶未解太孫問故曰有累犯法而奸惡異常者不得不怒太孫曰上失道而後下犯法如得其情哀矜勿喜是或一道也太祖不覺氣平矣曰汝能不怒乎明日有常州陳理以子款父事命太孫處分太孫從容詳審竟脫之理父原抱病經年候服一藥而斃繼母素僧其子因力証成之無以自解太孫條其情而獻之太祖未之信也拘鄰里婢僕及原醫詢之乃知父向患火症庸醫誤認為寒藥中皆投附

予。主人不知。故服之而暴卒耳。太祖驚曰。有是哉。則不可不慎也。太孫不獨仁而且明。朕無憂矣。一日。遇者獲強盜七人。都送太孫審。太孫一見。即疑首盜非真。試之果係主人之子。偶出庄上。而佃客皆盜也。是夜正謀切商舟。遂強之同行。歸欲首明。而先被獲。太祖覆審。盡得其情。釋之。問太孫曰。汝何以知其非盜。對曰。周禮。惡獄。色聽。為先。尚書亦稱。惟貌有稽。姦見其人。繫昨。烟視聽端詳。定非盜也。帝因歎曰。夾獄者不可不讀書。故太祖傳位詔中。有云。太孫仁明孝友。海內歸心。蓋有所試而云。附錄或曰。太孫頂額頗偏。太祖撫之曰。半邊月兒。知其不克終。及讀書。其聰穎一久。對文與之侍側。太祖命咏新月。銘文詩曰。昨夜嚴陵失釣鉤。何人移上碧雲頭。雖然未得圓。圓相也有清光偏九州。太孫詩曰。誰將玉指甲。指破碧天痕。影落江湖裏。蛟龍不敢吞。太祖覽之不悅。蓋未得圓。圓影落江河。皆非吉兆也。

是日葬孝陵。援遺詔。止諸王會葬。時諸自秦晉外。皆專屬各擁三護衛重兵。地嫌勢偏。恐其窺伺。乃草遺詔。諸王哭

臨惟在本國毋得奔喪又令王國所在吏民軍士悉聽

朝廷節制詔下諸王皆怒燕王入臨將至淮安齊奉言于

帝令人齋勅勅使還國

遺訓止諸

王麻弊

太祖神明

獨絕必非

無所見而

云然也此

時齊其未

與其謀安

可計其至

如顧命諸

臣劉宋卒

徐當得降

降等元就

前將益焉

朱驚曰止諸王臨葬計無失于此者上下從茲陳矣

父子天性哀痛至情以背弃之日而弗克躬臨且葬其

誰能忍之不勝忿忿生心固然曷足怪乎當是時海宇

未波室構方晏諸王分雖專勢雖重其必不因父喪

以為利起于戈于苦塊之間何虞之謹也明示以猜而

欲人之無猜得乎齊黃垣謀已見崖累加以方正學之

迂貞日求更化而曾不虞難盡起亡之端豈保定之才

也特其烈烈而死不規人臣大義無罪不贖耳夫以

太祖之神聖而顧命遺臣猶然有此信乎得人難也○

又曰難端見矣遺詔先之也父兄不奔喪其何以令勅

符勅歸重猜疑耳曷益乎若詔書未至而文

皇先來弗可止也其不奉詔亦弗可止也

詔行三年喪禮有司執例以請上出諭曰三年之喪自

先之以  
聖訓聰明  
所及方之  
學古特正  
邦之習禮  
多器求士  
于家寒令  
此將安取  
平若謂諸  
王未必棄  
喪以爲利  
嗟嗟天下  
好事者功  
之人豈無  
如齊黃輩  
而況前賢  
在而猶有  
生心也哉  
然之未敢  
明拉而來

天子達于庶人先太子殂向欲終之而不可得茲當大故敢不如禮有司奏曰天子之孝與庶人異當以宗社生靈爲重惡得徇庶人之節况遺詔在乎復傳諭曰魏文帝胡人也猶能守禮况朕讀書知禮義不能遵古先王之定制爾等不欲朕行古禮是謂吾君不能也有司復奏曰陛下欲行三年之喪非敢謂不能也但郊社宗廟之際不可久虛朝貢訟獄之繁不可暫廢故漢文詔以日易月而歷代因之遺詔諄諄欲一如漢文行事其慮甚遠願陛下少抑至情俯循衆請復諭曰朕非敢效古人亮闇不言也郊社宗廟朕將執紼而行事朝貢訟獄罔敢不親但朝則麻冕

其亦制于  
父母也夫

將就孝德  
贊成諸公

麻裳退則齊衰杖經食則體粥有何不可不然食稻衣錦  
爾輩真以為安乎羣臣奏曰陛下既不廢政事而自致哀  
情敢不惟命遂定儀注以進○詔內外五品以上文武及  
縣令薦賢才定保舉連坐法

六月甲辰上皇祖考大行皇帝謚曰欽明啟運峻德成

功統天大孝高皇帝廟號太祖皇祖妣孝慈昭憲至仁文

德承天順聖高皇后尊母呂氏為皇太后皇太后太常卿呂本女文皇

門金川時盡人逐太后至其不得已起兵之故太后未還宮大起儀徐王允璽居焉亡何遷居太子陵不知所終

立孝陵衛○革冗員○初省州縣詳明野編

朱子曰世數民代有廢局紹洪武後而不知夫靜以需至治是失是也





時諸王皆專屬據重兵專制泰微削之意肅詔中諸王  
不悅謂此齊尚書陳問我也黃子澄分宜人洪武十七  
年貢入太學明年進士奉禮部第一授翰林編修陞修  
撰伴讀東宮累官至太常卿建文為皇太孫時坐東  
角門謂子澄曰諸王專屬據重兵奈何對曰諸王僅有  
護兵幾足自守萬一有變以六師臨之誰其能支漢七  
國非不强卒底亡滅小大強弱之勢不同而顧逆之理  
異也太孫喜每呼子澄資先生太孫即位倚任子  
澄謂曰先生無忘東角門之言子澄頓首應曰不敢遂  
出與齊奉議削奪諸王兵權陳彥回字士淵莆田人洪  
武中以父故謫戍鎮南會赦資不能歸依資偕黃姓已  
獲薦明經授保寧訓導陞平江知縣上即位以文學  
廉幹知徽州府元年父循良資是冬祖母郭卒承重  
父老走京乞留屢屢終喪不許勉蒞郡即葬郭傲之北  
山時時哭墓下徽人名為太守  
山復姓陳除其弟彥困戍籍

七月召漢中府學教授方孝儒為翰林博士尋陞侍講直  
文淵閣從太祖先命也

按昔廷臣薦孝孺。徵至。太祖見之曰。此壯士也。當者其才以輔汝。故有是命。其同郡王叔英時為漢學知縣。遺孝孺書曰。凡人有天下之才者。固難能。自居其才者尤難。如子房之于高祖。能用其才者也。賈誼之于文帝。未能自用其才者也。子房之于高祖。察其可行而後盡言之。未嘗不中。故高祖得以用之。賈誼之于文帝。不察其未能而見言之。且又言之太過。故大臣絳灌之屬。得以短之。于是文帝不能獲用其言。方今明良相逢。千載一時。但天下之事。固有行于古而不可行于今者。如井田封建之類是也。亦有行于古而難行于今者。如井田行之。則人之從之也難。從之易。則民樂其利。從之難。則民受其患。此君子之所也。所貴乎得時措之宜也。

以董倫為禮部侍郎兼翰林院學士。王紳為國子監博士。

按倫在勝國時。累辟不起。國初以薦徵為右贊善。事懿文太子。陳說忠厚。太祖聞而善之。擢左春坊大學士。太子薨。出為河南參議。留情民瘼。嘗上封事數千言。皆當。太祖心尋以註誤免官。與教滇南至滇。關心訓

化不忍聞夷其人。雖童叟焚堅皆知向慕。帝即位春  
 念舊臣召至京師。遂有是擢。賜書願老堂三字。及錄几  
 王鳩各一。倫上表稱謝。祥先翰林待制。祥之子也。祥使  
 雲南為元。華梁王所殺。祥甫十三。與兄發事母盡孝。母  
 卒哀毀踰禮。未幾殺亦殺。祥其父憂患中。綜理生業而  
 傑然負奇志。暇日蓋取經史百氏。府其指歸。宋濂一見  
 器之曰。子克有後矣。蜀獻王聞其賢。幣聘教授蜀郡。紳  
 痛父遺銘未返丘壟。白其情。王憫之。給道里費以行。至  
 雲南訪求不獲。即死。所哀奠號慟幾絕。道路悲之。至是  
 給事中徐誠等薦之。遂有是擢。時妻義姑吏部與時浮  
 沉。縛以責之。

廢周王橚為庶人。人有告王與燕湘代岷四府通謀。

帝召黃子澄與齊泰謀之。泰欲先燕曰。燕握重兵。素有大  
 志。當先以不軌削之。子澄曰。不然。燕預備已久。卒難圖也。  
 宜先取周。剪燕之手足。而燕因可圖矣。乃命曹國公李景

齊黃寧無  
可目后不  
受之專征  
評

隆卽訊景隆大索金寶王不能應坐反執之及其世子閼  
宮眷屬送至京師削爵爲庶人遷之雲南○燕王簡壯士  
爲護衛

朱舊曰人臣無將將則誅然以手足骨肉之間有異志  
無叛微處之要自有道太上默銷之賈誼之來廷王父  
曰讓親之辭不可滿也跡則王已事弟不能就就祇慎  
于法放謀未布聞也重以貪夫恣索強坐不原適一王  
而諸王心戰又可禁乎相繼告發雄雉龍爭卒成大故  
伊誰咎也大抵齊黃計躁于削國而慮不能遠正學志  
迂于法古而日不見近人事實錯悞可謂盡天意耶  
以張鳳李衡趙福張弼汪賓孫端王斌楊忠林良李成張  
敏劉政爲錦衣衛世千百戶有差

按鳳等皆西宮廟契宮  
人父所謂朝天女戶也

八月加魏國公徐輝祖太子太傅時燕藩選兵將練士馬以勾逃軍爲名招致異人術士至者多以天命有歸爲言由是靖難之志決矣時建文帝尊禮賢士募行古道民皆悅之惟僧道衍號知兵且知天文謂圖大事必成燕王密語道衍以人心所向對曰天之所造何論人心自是遂以道衍爲軍師燕王妃輝祖之妹也輝祖雖與燕王至親而心在帝室嘗召對密言燕情帝信任之詔加太子太傅與李景隆同掌六軍協同謀圖燕

紀臣

道衍長洲縣廣孝也初祖髮爲相城妙智菴僧改法名道衍字斯道時相城靈應觀道士席應真昔讀普學道法兼通兵機道衍師之盡得其術然深自晦藏人無知者已而至京口賦覽古詩曰惟懷年來戰血乾烟花猶

自半凋殘五州山近朝雲亂萬歲樓前夜月寒江水無  
朝通鐵窰野田有路到金壇蕭梁事業今何在北顧青  
青眼倦看其黨宗泐見其指膝高吟笑之曰此豈釋子  
語耶斯道斯道汝薄南朝矣既而宗泐舉道衍往燕往  
持北平廖壽寺或薦道衍文武異才燕王召見問曰  
爾能卜乎廣孝探吳音連對曰貪貪即開謀出太平錢  
五啓王自視連撒之脫王曰殿下將無作皇帝乎王  
叱曰和尚勿謬說道衍來然而退他日實告之道衍遂  
言輒合因薦相術袁珙以決之蓋道衍嘗遊嵩山佛寺  
遇珙珙相之曰寧馨昨和尚乃爾耶目三角影白形如  
病虎性必嗜殺它日劉秉忠之流也道衍大笑因此自  
負王亦聞珙名託以勾連軍丁召珙至燕使人與飲  
于酒肆王易服雜諸士中亦入肆珙一見即趨拜  
王前占其為他日太平天子王大喜第珙于道衍僧  
舍世傳二語云辨宰相于嵩山佛寺識真主于長安酒  
家謂此也王時時與道衍語多奇秘者王甚重之道衍  
時或謾爾汝王前王弗之責  
也靖難之圖實起于道衍云

賜太學諸生高等襲衣束帶歸省親

祭酒程師周言諸生不可不使知大本甚有一五年不  
歸省者令歸省孝養他日出仕庶諸忠君先是上聞  
斯文不古思所以復之方孝孺亦言近代文字好奇三  
吳尤甚因責祭酒考次優列賜歸省士林相矜以爲太  
平盛事

召王景彰爲禮部右侍郎兼翰林侍講○茹常免張統爲  
吏部尚書

按王景彰名景字以行松陽人洪武初起家教諭歷參  
政謫雲南上召入與修高廟實錄○張統富平人  
洪武中舉通經累官至雲南左布政使凡土地貢賦法  
令條格同祀公廨上下典儀經費程度悉統裁定美民  
孚悅遠邇通奠安二十六年入覲治行爲天下第一賜璽  
書曰曩者討平西南夷命官撫寧爾統實先信任今五  
年言出則諸夷聽服令布則四野惟新皆由誠信相孚  
克共乃職今年來朝不待考而朕知其功出乎天下十  
二衆之首故嘉汝績復命仍治黔南至是召爲吏部尚  
書滇人如失父母時朝廷更化旁求隱逸日就闕下悉

委統試。統試。蓋。擊。精明。振。抑。拔。淹。量。才。授。低。士。不。夫。有。彈。冠。之。憂。焉。

徵江西處士楊士奇授齊府審理副留翰林充編纂官

士奇江西泰和人。蚤。孤。力。學。手。不。釋。卷。長。游。楚。中。人。皆。慕。之。至。是。廷。臣。以。名。儒。薦。徵。授。教。職。時。年。三。十。六。未。任。留。翰。林。充。編。纂。官。尋。命。吏。部。考。第。史。館。諸。儒。尚。書。張。純。奏。士。奇。第。一。除。齊。府。審。理。副。明。日。復。召。入。翰。林。

禮部尚書鄭沂免以雲南右布政使陳迪爲禮部尚書。○增國子監司業以學錄張智爲之。○命何福爲征虜將軍。總兵征百夷。都督徐凱爲副。平之。

九月罷築銅鼓衛城。召徐輝祖吳傑還京。○長星西隕有聲如雷。○雲南總兵西平侯沐春卒。

十月置陝西洮州茶馬司。○召北平總兵都督楊文還京。



○熒惑守心、四川岳池教諭程濟通術數、上書言北方兵起期在明年、朝議以濟妄言、召入將殺之、濟叩頭曰、陛下幸囚臣、至期無兵、殺臣未晚也、乃囚濟于獄、

十一月詔顧成班師、先是成以都督僉事克征南將軍、帥師征水西蠻、既又征五開、所向克捷、至是征平州六洞等、長官司一百三十七砦、皆平之、悉撫諭復業、師還、駐常德、待命、詔諭班師還京、賞勞成及其副將何清、宋晟、韓觀有差、○詔舉山林岩穴懷材抱德之士、○謫前監察御史解縉爲河州衛吏、先是、太祖令縉歸進學、許十年來朝、擢用、未及期、會太祖賓天、縉趨赴臨、大臣謂赴臨非詔旨、

嗣位以來  
第一在切  
課言

自不推過  
而又欲  
人處之  
無  
過  
之尤  
勇

遂謫河州。○帝視朝稍晏，御史尹昌隆諫曰：「昔太祖高皇帝鷄鳴而起，昧爽而朝，百官戒懼，故能底績咸舉，天下乂安。陛下嗣守大業，正宜追繩祖武，兢業萬幾，未明求衣，日昃忘食，常如不及，斯為庶幾。今乃日晏臨朝，羣臣宿衛，疲于伺候，職廢業荒，上下懈弛，臣恐播之天下，傳之四夷，非社稷之福也。」上曰：「昌隆所言，切中朕過，禮部可頒行。」徧天下，不惟使朕有過，人得而知之，且俾天下庶官咸能勤干趨事也。○以工部右侍郎張崧為北平左布政使，以謝貴為都指揮使。時燕齊皆有告變者，帝以問黃子澄。曰：「執當先討。」子澄對曰：「燕王久稱病，而日操練軍馬，且

招異人術士使在左右此其機已彰露討之不可不亟

帝召齊泰問曰燕王素善用兵討之計將安出泰對曰今邊報北虜聲息但以防邊爲名發軍戍開平其燕府護衛精銳悉調出塞去其羽翼無能爲矣不乘此時圖之噬臍無益也帝領之乃擢用曷貴俾察燕府動靜徐爲之計

○遣代王桂如蜀時代王貪虐將爲不靖方孝孺謂以德化道之命往四川受教于蜀王○以王純爲戶部尚書召鄭賜于安東起鄭徒中爲工部尚書黃福爲右侍郎

十二月辛丑朔帝省郊壇○封右都督沐成嗣西平侯○召宋懌還京以爲翰林學士○以進士曾鳳韶爲監察

御史○以流人劉有年知太平府○召韓宜可爲副都御史

按有年廬陵人徙沅州洪武中起明經爲御史學行著聞辭官養母母許言滿通州讀書不憚得儀輕十八歸于州故家上之詔藏秘閣上起有年從中韓宜可初爲山西布政使謫雲南召人力言諸藩當從寬大密加防範勿速誅討不能從

陞何福右府都督同知○詔求直言○調僉都御史劉觀爲加興府知府○賜明年天下田租之半○詔曰朕卽位來小大之獄務從寬省獨賦稅未平農夫受困其賜明年天下田租之半○詔釋刺面軍及徒人還鄉里

聖明從信錄卷十一

東莞 陳 建輯

秀水沈國元訂

建文元年

舊為洪武三十二年  
永樂初年

建文元年

正月大祀天地于南郊奉 太祖高皇帝配先是 上御

奉天殿誓戒百官夕宿文華殿齋宮巳卯出舍皇妣尚膳

進素食庶辰子夜展事 上脫舄登 大祀殿秉圭奠瓊

興俯拜跪如禮昧爽還宮御奉天殿受羣臣賀方孝孺進

郊祀頌 上嘉納之○遣使告即位于天下神祇司業張

智請闕里○勅修高皇帝實錄禮部侍郎兼翰林學士董

倫王景彰總裁太常少卿廖昇翰林侍講高異志翰林侍

詔方孝孺副總裁國子博士王紳漢中府學教授胡子昭  
知縣葉惠仲齊府審理副楊士奇訓導羅恢馬龍它郎甸  
長官司吏目程本立等纂修官

族廖昇表陽人洪武中以學行知名與方孝孺王紳輩  
友善有史才明達負氣善著難事多被責聞北兵表徙  
潭遂與家人樹訣自經死胡子昭字仲常一名子韶大  
足人性介富經術自蜀徵入翰林檢討累進刑部左侍  
郎四年死孺臨刑有所問正氣歸泉裏一熟丹心在帝  
鄉之句父復初母郭各年八十餘并子五人皆滿成  
德中御史熊相立祠祀之其弟胡子義以荐辟起陞  
事聞兄死盡世丹後到蘇王聞而憐之令削髮自今  
義辭以親之遺體有二子歟曰吾兄無後天不絕吾姓  
二子當免子難竟并上莫知所葬葉惠仲臨海人與兄  
夷仲並有文名稱二葉惠仲以知縣充史官充考試陞  
知府永樂元年二月坐修實錄時書禁嚴事以逆重論  
及程本立字道原系出伊川自抗徒崇德之制稱讀亦  
不務章句教行檢典海鹽沈孝子寄康友善因初來別

經秀才歷秦周晉長史，謫馬龍宅郎，旬從一僕赴官，曾  
單騎入百歲，論逆者歸命，奏計入京，留唐貨錄，性翰林  
尋試左會稽御史，別年改江西按察副  
使，未至，而變抗，數結氣所著有異隱集。

詔京省開科鄉試。○遣燕府長史蒞誠還燕。初，燕王使  
誠奏事京師，使覘朝廷所為及至，帝召問府中事情，誠  
不敢隱，遂密有委託，使誠為內應，誠許諾，還至燕，復命，  
覺其顏色有異，遂深疑之。

二月都督韓觀練兵于德州。○命都督會事耿歡左會都  
御史景倩視軍北平，尋召還。

按此從屬無也。燕王宴二人及三司官，袁珙子忠敬與  
酒相之，袁果白曰：宋忠而方五大，身短氣短，景倩身長，舉雄狀，歡  
骨插髮色如飛火，皆當不得終，耿歡長與侯長子，皆事

兵次永平。革命日。論死。景倩本朕姓。與寧人。洪武二十  
七年。選上。性慧。偶。尚大。薄。音。同。舍。生。堅。實。一。言。  
還。故。負。其。約。其。人。連。誤。之。誤。師。倩。說。曰。某。以。舊。不。諳。之。  
不。遺。一。字。其。人。反。無。記。大。怒。恨。既。出。倩。特。還。之。曰。吾。以。  
子。珍。秘。大。甚。故。相。戲。耳。又。倩。赴。來。時。浮。化。一。女。為。妖。所。  
憑。倩。宿。之。夜。妖。不。至。遂。書。景。倩。在。此。四。字。妖。絕。試。禮。部。  
第三。除。翰林。三。十年。署。左。台。都。御史。上。卽。位。撰。都。御。  
史。改。御。史。大夫。革命。日。方。錄。諸。人。盡。死。而。倩。獨。委。蛇。侍。  
朝。人。疑。之。一。日。早。朝。倩。緋。衣。入。先。是。坐。者。言。文。曲。犯。帝。  
座。甚。急。文。皇。因。疑。倩。又。見。獨。緋。衣。遂。收。之。得。所。帶。銀。  
詰。之。曰。我。恐。不。死。為。此。不。成。天。也。毒。罵。不。已。扶。其。噴。噴。  
血。御。衣。文。皇。大。怒。命。鐵。帶。刷。其。肉。肉。盡。罵。已。是。後。猜。  
英。迭。見。時。入。殿。廷。為。厲。命。族。景。氏。誅。其。  
邪。轉。相。擊。藥。謂。之。瓜。蔓。抄。村。里。為。墟。

詔尊 皇考懿文太子為興宗孝康皇帝皇妣懿文太子  
妃常氏為孝康皇后立妃馬氏為皇后封弟允熲吳王允  
璫衛王允熿徐王立子文奎為皇太子詔薦賢養老墾田



興學。考察官吏。旌孝。賑貧。拚欲埋骨。贖民鬻子。減田租。

皇考既謚懿文。帝諱允。及皇子生。復命文奎。識者曰。此儒生常稱耳。不類天子氣象。及改建文年號。燕王聞之。訝胡乃重複至是。使臣民遍呼。年與諱同。無乃不祥乎。小子且見其敗也。

申詔親王不得節制文武吏士。○進封江都郡王爲公主。儀賓耿璿爲駙馬都尉。掌前府事。○都督僉事朱瑄總兵鎮守甘肅。

按璿亦長興侯子。尚懿文長女。勇悍有畧。父北征。璿勸直搗北平。疾破之。已聞戰數敗。快快抱病。對公主泣。上遜去。璿益稱疾。杜門不出。竟坐罪死。公主仍降爲郡主。明年春亦卒。

以周府紀善周是修爲銜府紀善。留史局。

按是修江西太和人。少孤力學。舉明詩。爲崔丘學訓導。入見。帝問家居何爲。對曰。教人子弟孝弟力田。

皇嘗擢周府奉祠正、尋陞紀善、建文初、王有過、逮吏、是  
修以書陳免、改齊府、留纂修、太祖實錄、好薦達知名  
士、數陳論、國家大計、及指斥、用事者、誤國、用事者、怒、共  
往折之、不爲動、靖難師入京、是修即遺書別友人解縉、  
楊士奇等、且付後事、暮入應天府學、辭孔子、自爲贊、  
之衣帶、遂縊于東廡、年四十九、之皇繼統、陳瑛言是  
修不順天命、請加追錄、上曰、彼食其祿、自盡其心、勿  
同、是修內貞、外和、孝友廉清、其學自經史、下至醫、  
不究、爲文敏贍、所著有詩小序、論語類編、廣衍、太極圖  
綱常懿範、通言家訓、窮堯集、進思集、嘗曰、忠臣不以得  
失爲憂、故其言無不直、烈女不以死生爲慮、故其行無  
不果、因取忠節遺事、輯爲觀感錄、朝夕省覽、初胡廣金  
幼孜解縉、楊士奇、與是修有約、同死者、已而俱負約、它  
日士奇爲是修作傳、語其子曰、脫我死、孰傳而翁聞者  
之。

更定官制、先是壽州訓導劉亨應求直言、上言文武並用、  
久長之術、六卿卑十五府、非所以示均隆、宜並爲一品、國

子祭酒師表天下不當在太僕下武臣子弟宜立學教之  
使知事上使下禮義上嘉納之已與孝孺等議乃大加  
更定

按字嘉會廬陵人博通經史洪武中徵賢人君子辭  
歸養親復舉經明行修入對簡在命說書華蓋殿尋以  
言事謫壽州訓導上詔言事多採用陞武進丞修學政  
課農桑有治績賜陞書靖難後室宅事罷歸杜門不出  
薦修永樂大典及考試官俱不就宣德中薦亨老學堪  
師長亨自是朝辭甚懇帝曰伏生九十尚傳經八十  
焉教官何不可尚書郭瑄曰老者安之朝廷  
豈少此一入得還鄉正統中卒年八十有二

燕王來朝行皇道入登陞不拜御史曾鳳韶勅王不敬

上曰至親勿問戶部侍郎卓徹密奏曰燕王智慮絕人

酷類先帝夫北平者彊幹之地金元所由興也宜徙封

南昌以絕禍本。夫萌而未動者幾也。量時而爲者勢也。勢  
非至勁其能斷。幾非至明其能管。上覽奏大驚。袖之翌  
日語敬曰。燕王骨肉至親。卿何得及此。對曰。揚廣隋文  
非父子耶。上默然。

鳳都洪武末年進士。建文初爲御史。劾藩王入覲失召  
臣禮。有辭後召復辭。史不至。尋加侍郎。又不至。刺血書  
憤詞。襟上曰。予生處險。忠節之邦。素負剛鯁之強。讀書  
而登進士第。仕宦而至錦衣郎。既一死之得宜。可以含  
笑于地下。而不愧吾文天祥。相若。李子公望曰。我死勿  
哀。遂自殺。時年二十九。李亦守節死。卓敬字惟泰。瑞  
人。生質秀敏。年七歲時。相者相之曰。此骨髮必爲  
名卿。惜哉。血不盡色。嘗讀書。夜歸。失道。得一兒牛。馮之  
歸。比入門。乃黑虎也。舉洪武二十一年進士。除戶科給  
事中。時諸王多僭擬。敬乘間言之。上曰。爾言是。朕處  
不及此。因以爲宗人。雖學建文時密。奏事殺。文皇卽  
從。責敬不奉迎。乘輿。敬時聲不歷。文皇特憐重之。繫

之獄、以姚廣孝言、卒族之、臨刑、從容歎曰、髮起來親、略無經責、敬死有餘罪、經曰如生、神色晏然、文皇嘗曰、國家養士、三十年、惟得一卓敬、服其議也、不荷、以節後、四十年、劉球傳其事、私誥之曰忠貞、敬立朝抗慨、其姿善談論、凡天文地理、律曆兵刑、皆能究達、所著詩文五十卷、卒靖後、落

### 革松番衛

三月丁巳祀先師太學 上齊戒往監獻拜跪禮如廟御

葵倫堂見師生賞幣鈔有差○燕王還國○召樓璉為翰

### 林待書

璉字士連金華人嘗從宋濂學洪武中以監田知縣擢廣東道監察御史滿成雲南至是召入文皇命孝璉草詔不可改命璉璉強受之歸而慙悶妻子問曰得無傷先生耶璉愧曰我所為此正恐累及汝輩耳遂與一

以是不決

勅布按二司官糾察屬吏○擢神策衛經歷周璿左食都御史、

按璿山東諸縣人官食都御史增難後不屈俱死之

燕世子及其弟高煦高燾至京師尋遣還時太祖小祥

也文皇遣二子來或沮之曰不宜偕往文皇曰往哉

令朝廷勿疑也齊泰請收之黃子澄不可以爲彼將先儆

三兄弟輝祖甥也輝祖亦勸上留之且言高煦勇悍無

賴寧惟叛主將叛父輝祖弟增壽力保無他遣之煦入輝

祖廢中取良馬馳去世子既還國文皇喜曰天贊我也

父子得聚其後靖難師起高煦宣力爲多上悔不用輝

大忠者不  
顯彰哉

祖之言。○博士黃彥清閒步于市見兩兒食棗退讓有禮  
坐其旁觀之食畢餘一棗幼者遜其長者長者不受推遜  
良久遇旬者舉以授之父見有得紗于街者輒拂其塵置  
之高潔處以石壓之而去彥清歎曰何風俗之厚也明日  
入朝備述其事且曰陛下德化雖中牟三異何以過此  
上曰昨日宮中二人歐譁聲徹內朕呼而諭之曰朕寬刑  
尚德兩年來中外愉愉爾獨犯教意者朕有乖德歟行事  
無禮歟外仁義而內實多欲歟怩然感愧自責而二人始  
叩頭謝過夫一宮之內尚未能齊斯言何敢當也彥清拜  
賀曰萬邦時雍而有子獨傲四方風動而有弟未讓宮人

相爭是其常事。陛下引爲已過。愈見盛德。

逮北平右布政使曹昱。按察使陳瑛。副使張璉。至京師。時北平僉事湯宗首告瑛受燕府金錢。結爲心腹。辭連昱及璉。于是俱逮赴京。下詔獄。旣而編管瑛于廣西。昱放爲民。璉降爲銅陵典史。

三月。帝用齊黃策。命都督宋忠。調緣邊各衛馬步官軍三萬屯開平。燕府請壯。悉選調隸忠麾下。胡騎指揮關童等在燕府者。悉召入京師。以都督徐凱練兵于臨清。都督耿獻練兵于山海關。而張昂謝貴。則密伺動定。約期俱發。○調北平永清兩衛官軍屯彰德。順德。



按宋忠總兵指揮使有智勇名洪武中疏救自  
尸上稱其直討西夷有功已死難于謀皮其

命都御史暴昭等二十四人充訪採使巡行天下問民間  
疾苦實廉平吏黠貪墨不職者得便宜行事暴昭採訪北  
平其得燕藩情事密封以聞力請為之備

按照山西人後掌平燕布政司事靖難兵  
人城昭被執不屈至去齒截手足乃口絕

京師地震求直言御史尹昌隆上疏言奸臣專政陰盛陽  
微謫見于天是以地震執政惡之出知福寧縣上曰求  
直言而以直奔之人將不食吾餘命復原官

按靖難兵南下昌隆上言今日事勢日去而北來章奏  
言周公輔成王不若罷兵息戰詳其入朝彼既欲中大  
義于天下不應便相達辰設有蹉跌便須讓位不失守  
藩若沉吟不斷恐禍至無日遲遲無難驟求為丹徒布

友不可得矣。不報。革命日。昌隆名在奸偽。驅出就戮。乃  
當性大呼曰。有奏。驛在。可謂也。檢有之。刀。砍。燒。頭。耳。從  
此言。南北生靈受禍。不若是酷。遂併昌隆以為  
北平行部主事。後坐呂。遂死。昌隆。太和人。

四月。湘王栢有罪。自焚死。先是。湘王偽造寶鈔。兼殘虐殺  
人。上降勅切責。召之。王怒。焚其宮室。美人已而乘馬執  
弓。躍入火而死。○齊府人曾名深。上變告。廢齊王。轉為庶  
人。○幽代王桂。岷王。梗。于其國。並廢為庶人。

五月。以戴德彛為左拾遺。宋徵為宗人府經歷。王叔英為  
翰林修撰。

按德彛。奉化人。與方黃同。兵事。後不屈。死之。宋徵。數  
言。求。官。為。將。失。律。後。二。心。皆。難。後。轉。至。不。屈。死。王叔英。  
黃岩人。與李德同。徵。為。左。拾。遺。知。縣。上。部。位。在。人。上。  
資。治。八。策。皆。按。古。語。今。可。具。行。事。皆。難。兵。道。江。上。叔英。

承詔來兵至廣德而變齊奔亦奔至用抱溺哭朔後  
來已而知事不可為沐浴衣冠奔絕命詞帑中自縊于  
其妙觀之劉杏樹等亦不仕所見良獨偏之句是  
其案曰生既久矣木自腐于常時死亦徒然序無懸于  
後世葉在祠山麓墓前中諸公鄒守益滿川廣德祠祀  
以其妻金繁往安二祠是并其有貞烈祠收英所著

以趙諒為留守左衛指揮僉事時時奉密命往來軍中諒

能效職

諒聞平王時此方  
亦方上信其之

六月召解縉為翰林待詔○詔讓燕時朝廷深疑燕文

皇因託疾佯狂走卧久之微讓遂稱病大暑圍爐握顙曰

寒甚宮中亦杖而行朝廷稍不為意誠逢辰告曷貴曰殿

下本無恙公等勿懈防恐一旦不可測貴等謀益急○遣

中官逮燕府官屬

七月壬申燕府靖難兵起寧北平布政司事工部侍郎張  
嵩都指揮使謝貴彭二燕府長史葛誠伴讀余逢辰成之  
先是文皇稱疾不出每問僧道衍起義期野未可至是  
遣逮官屬又密敕張信手致文皇信驚告母母曰不可  
若父嘗言王氣在燕分王者不死非女所能執也不如轉  
禍爲福信因請見文皇陽爲感風不能言信曰殿下果  
有事當以告臣文皇稱疾益堅信曰王果無意乎臣奉  
密勅在此當就執文皇始誠告之且曰生我一家命者  
子也疾召道衍謀事忽然檐瓦墮地碎文皇不懌道衍

曰天欲殿下易黃瓦耳。乃喜。遂定謀。時謝貴等集兵布陣  
圍王城。又以木柵斷端禮門。張曷約盧振內應。一而飛章  
奏聞。有所親吏李友直竊其草獻府中。文皇急呼護衛  
指揮張玉朱能等率勇士入守。能曰先禽貴曷。餘無能爲  
矣。文皇曰不如以計取之。依內官來達所坐名收下。就  
令內官召貴曷付之。將必入。入則縛耳。初四日壬申文  
皇稱疾愈。御東殿。集官僚。伏兵左右。貴曷不深虞。果入。爲  
壯士縛。文皇尚扶杖坐。方進西瓜。令校尉拳碎之。已而  
曰水出不堪。取力剖之。于是兩廡伏兵盡出。猝葛誠下殿。  
文皇擲杖起曰我何病。爲爾輩奸臣所逼耳。誠等不屬。

皆斬之。圍者驚相告，稍稍散去。王遂命張玉帥諸將，夜攻九門，克其八。西直門不下，燕將紿守者曰：「毋自苦，朝廷已聽吾王自制一方矣。」亦下。

按余達辰字彥章，宣城人。兵起之日，泣諫以死。彭二見謝貴殺急，跨馬大呼，集兵得千人，將入攻會府中，健卒出格殺二。

都指揮使馬宣巷戰不勝，走薊州。俞瑒走居庸關。都督宋忠帥師次居庸，退保懷來，留瑒守關。○靖難兵中止稱元年，不稱建文。自署官屬，以丘福、張玉、朱能爲都指揮會事，擢布政司吏友直爲本司右叅議。戍卒金忠爲燕府紀善。

按金忠爲初上奏，以言燕思當戒趙州，不樂行。瑒見曰：「此尚書舊法，當大賞。」登舟即順境矣。忠精于卜，至燕即

然人以此義命忠一之大言遂署紀  
善侍惟惟用其謀策後為兵部尚書

燕王誓師曰予太祖高皇帝之子今為奸臣謀害祖  
訓云朝無正臣內有奸惡必訓兵誅之以清君側之患今  
禍迫于躬實不得已也義與奸邪不共戴天率爾將士誅  
之用命者有厚賞不用命者必有顯戮罪人既得則法周  
公以輔成王爾等其體予心毋違命○燕王上書請誅齊  
恭黃子澄

書曰皇考太祖高皇帝親歷百戰為死一生定天下  
成帝業傳之萬世封建諸子率用宗社為誓石安不幸  
皇考有天下陛下嗣承大寶而奸臣齊泰黃子澄輩包有  
禍心惑說齊泰假陛下之威權勢主家之安集捕縛  
桂王五弟不數年間並見削奪雖有怨過未聞不赦  
削王爵奪王土轉徙流離行路於側恒尤可憫獨達自

其聖人在上胡寧思此蓋非前陛下之也心尚未足又以如臣臣字藩于燕二十餘年以心奉法循分陛下嗣統以來臣事君之誠明于前以君臣大分骨肉至親恒思加慎焉諸王先而如臣臣應庇嚴陛下之聰明延重為托如禍無辜執臣奏事人前是制燕簡極苦毒追言臣謀不軌遂分布宋忠謝貴張青等於北平城內外甲馬馳突下街衢氣鼓喧于道通國守臣府周所嚴密小大凜凜如臨湯火已而獲衛人執貴胄始詢知奸臣欺詐之謀號地呼天辨明無疵痛念臣於榮文皇太子同父母兄弟也今事陛下如事天也惟奸之心不止害臣等伐大甥先剪附枝親藩夷滅朝廷孤立奸臣得志社稷危矣伏望陛下即日之明查雷霆之斷決發德音去此兇惡以肅清朝廷以承安宗社以保全親藩遠仰天門發施恩惠惟陛下念之臣又竊計奸臣之害必已蟠結深固恐陛下未除之伏觀臣訓有云如朝無正臣內有奸惡則親王訓兵待命天下家諸諸王統領漢兵討平之臣謹俯伏俟命

江北蝗有司請督捕上曰朕以不德致蝗又殺蝗以重



能同天學  
而不能領  
大積數則  
無可送子

朕過臣民其極言朕失俾得改有司其赦疑獄捐逋租周  
窮乏以修實政是歲蝗不爲災更有秋。○丙子故北平都  
指揮使馬宣起兵薊州遇戰宣及衛鎮撫曾濟俱被執死  
之靖難兵降薊州。○居庸破瑱走懷來甲申靖難兵攻破  
懷來都指揮使陳質引師來援都指揮彭聚孫泰力戰歿  
之都督宋忠都指揮俞瑱被執死之時忠守懷來瑱守居  
庸相爲聲援將謀攻北平城。燕王謂諸將曰居庸北平  
之襟喉百人守之萬夫莫窺必據此乃可無北顧之憂初  
至衆心未定易以取也令指揮徐安率兵往攻瑱方部伍  
未定燕前鋒將千戶徐羊領騎兵徑抵關門大呼殺入城

軍敗走遂拔居庸。于是瑱走依宋忠。王謂諸將曰：「寡謀狠愎，來居庸有必爭之理。因其未至，可先擊之。」忠輕躁，寡謀狠愎，自用乘其未定，擊之必破矣。遂帥馬步精銳八千，捲甲倍道而進。王據鞍指揮，有喜色。先是獲謀者言：「宋忠誑其將士云：『爾等家在北平城中，皆爲燕府所殺，宜爲報仇。』」王乃命其家人張其舊用旗幟爲先鋒。衆遙識旗幟，又識其父兄子弟無恙，相呼輒應，皆喜曰：「我家固安，遂多降者。」忠衆列陣未成，王麾帥渡河，直衝其陣。忠大敗，入城。燕師乘之而入。忠急匿于廂，搜獲之，并禽俞瑱，斬首數千級，并斬都指揮彭聚、孫泰於陣，獲馬八千餘疋，餘

衆悉降靖難兵既克懷來山後諸州皆不守而關平龍門上谷雲中守將往往降附

按懷來之戰泰先登多斬獲中流矢襄血力戰奮呼陷陣匪陳賢守大同有賊名阻都督同知密族代府陰裏是日引兵撈忠敗走退守大同革命日被執不屈死之

庚申靖難兵攻永平指揮使趙瑛郭亮叛降燕○大寧總兵劉貞都督陳亨都指揮卜萬引大寧兵號十萬出松亭

關攻遵化逮萬獄

按大寧居遼東宣府之中在喜峯關外俯視北平之背寧王藩封在焉大寧都司所統軍士革戎籍雜族用劉真陳亨卜萬朱鑑四人統之真性異不隔而亨有二心惟萬智勇超衆一心朝廷燕王忌之川反圖計作書貽萬盛稱萬毀亨召所養卒放歸投萬置書衣中厚賞之而反故令同養卒得窺見之亦請行許得同歸

實心懷不平。比至事發。貞亨遂  
就高書極諫。不能自覓下獄。

八月。以長興侯耿炳文為征虜大將軍。駙馬都尉李堅。都督  
督寧忠。為左右副將軍。同安陸侯吳傑。江陰侯吳高。都督  
都指揮盛庸。潘忠。楊松。顧成。徐凱。陳璘。平安等。帥兵三十  
六萬。分道北征。

萬不知幾

按是時。命將出師。俱出齊太黃子澄籌畫。帝惟召學  
士輩討論。周官法度。居便殿。并柔翰而已。耿炳文深  
人。君用之子。守遼東。稱老將善戰。北征甫至。真定。克敗  
走召還。仍食故封。永樂初。陳瑛迎。上意動之。悉卒。國  
除。李堅。武涉人。以父英。國公。故尚。高祖第七女大  
名公主。素負才勇。北征。與燕將丘福戰。互勝負。封陳威  
侯。給券已而敗于泚沱河。中聚被擒。文皇命械送北  
平。道卒于莊。嗣永樂中除。吳高。陳父。江陰侯。建文中出  
定大律。滿南寧。削指揮。吳高。嗣父。江陰侯。建文中出  
兵攻永平。不克。被蓋反。間削爵。永樂召守大同。被劫。編

齊黃其水

吳奪券。○盛庸北征，屢有功，封陞城侯。元平燕將軍，殺張玉譚，瀾四年，滿口戰敗，降附。鎮守山東，元年致仕。以陳瑛劾怨望，削爵。暴卒。○徐凱，合肥人，建文元年從何福征百夷有功，已而兵潰，滄州被執，逮至北平，仍其官。暴卒。○寧忠，后死，難。○平安，滁州人，北征有功，進副總兵。安力舉數百斤，善戰，瑛望之敗，被執，以為北平都司。進都督僉事。七年，文皇忽問安，乃尚無恙，安慙經死。

祭告天地祖廟，告出征也。○誠北征，諸將士曰：「咎蕭釋舉兵入京，而令其下曰：『一門之內，自極兵威，不仁之極。』今爾將士與燕王對壘，務體此意，無使朕負殺叔父名。」

朱鶯曰：是與亡一大機也。內兵心忌，文皇膽張。此取而彼堅，又何俟接戰，現勝負哉。夫河戰後，文皇直抵京師，無退計，挺身當前，或單騎殿後。上義之也，真宋襄之仁義也。讀史至此，啞然失笑。當時在廷諸臣，不出此一言，相疑何歟。

唐文于  
陰為相

書諭諸王削燕屬籍。○撤山東河南山西給軍餉。○教禮  
濟出獄擢為翰林編修充軍師護諸將北征。

按濟朝邑人徐州之捷諸將樹碑叙功濟一夜往祭碑  
人莫測其意後文皇見碑大怒惟之遂止曰為我錄  
文來因按姓名行族誅濟姓名獨免斷處得免上出  
亡時問計濟濟曰云云乃免立召隨入為上薙髮從  
出亡遇險輒用解脫去數十年後隨上至南京莫知  
所終與同邑高翔起明經翔名飽濟好射數翔曰願  
為忠臣濟曰願為相  
士其後翔九十七死楚

置平燕布政司于真定命刑部尚書暴昭掌司事時北平  
布政司為燕所據故也。○賄故翰林待制王禕為翰林學

士謚文節

按開國以來文臣無謚自  
禕始以其子神為之請也

曾不出文  
皇所料諸  
將之謀忌  
何以見矣

欲雲南兵。○已酉，耿炳文兵次真定。壬子，靖難兵入雄縣，降鄭州都督楊松潘忠，俱被執。辛酉，靖難兵逼真定。耿炳文迎戰，大敗，奔入城。被圍。副將軍李堅、審忠、都督顧成、指揮劉燧等俱被執。癸亥，周解靖難兵還北平。先是，炳文率所部兵分遣徐凱駐河間，潘忠屯鄭州。楊松率銳鋒九千進據雄縣，約忠爲殿。壬子，中秋夕，文皇度松等夜飲，不備。率衆渡白溝河，夜半攻破雄城，屠之，九千人皆戰死。潘忠來援松，文皇先遣譚淵領千人伏。月漾橋水中。忠至，伏發夾擊，忠松俱被執，并失鄭州。文皇曰：「炳文在真定，不虞我至，由開道破之，必矣。」時炳文兵營於滹河南，其

部將張保降燕言狀、文皇厚撫之遣歸詐言被縛

又言雄鄭破降燕兵且旦夕至若河南兵非燕賊可併力

以禦炳文速用保言移營壬戌、文皇遣將突破其東南

炳文出戰大敗奔入城副將軍李堅、寧忠及都督顧威河

托指揮劉燧皆被執成降燕燕兵遂圍城炳文盡力堅守

文皇乃解圍還數日之間內兵死者斬殺幾五萬溺死

無筭遺馬甲鎧重亦無算○吳傑率師來援真定失律兵

潰

九月以曹國公李景隆為征虜大將軍代炳文還炳文稱

老將善戰至是敗帝有憂色召羣臣問計黃子澄對曰



勝負兵家常事無足慮今天下全盛士馬精彊兵甲堅利  
 糧餉充足區區一隅豈足當天下之力調兵五十萬四面  
 攻之衆寡不敵必成擒矣曰孰堪將者子澄曰景隆文武  
 全才也向不遣炳文而用景隆必無此矣帝然之親饒  
 景隆于江游賜犀玉帶斧鉞召炳文還京○谷王穗自宣  
 府遁歸京長史劉璟獻策不報

按宋忠敗遠遁震恐谷王乃借妃妾遁歸劉璟隨谷王  
 來京獻十六策上命贊皇李景隆軍中璟初請至禁  
 文皇與之奕璟勝文皇怒曰胡不少讓戎耶璟正色  
 曰可讓處璟不敢不讓不可讓處璟不敢讓也己贊皇  
 陰軍不月點信景隆敗璟夜半渡藍溝河破冰月雪走  
 及卿裝趾敗行三十里遇其子類翼上馬讓其養疾二  
 年與疾赴關進開見錄十萬言又不聽掌命日璟類疾  
 不起遂至京見文皇猶稱殿下且云殿下百世後

不得一個字下詔獄。微髮自經死。法官看青綠坐其家。  
 不亦得歸葬。景文成公子。字仲學。豐髮律吏。景前失發。  
 博經史。先任。輟學。經奇。諸書。洪武中召見。上書曰。真  
 伯溫兒。以為。問門生。曰。欲汝日夕左右。會封谷王。諸大  
 臣忌環。推環忠勇。才器。授長史。并勅從調。肅。還。慶。年。然  
 題六王府事。嘉靖中。學憲。萬。淵。肖。其。序。親。手。文。成。詞。心。  
 石。平。定。州。人。為。寧。府。長。史。北。兵。起。獨。計。備。禦。已。見  
 拔。終。不。屈。支。解。死。之。○龍。鍾。字。德。剛。萬。載。人。為。浙。江。按  
 察使。左。遷。長。洲。知。縣。陞。管。府。長。史。會。上。徵。督。兵。鍾。力。主  
 張。赴。後。文。皇。械。繫。歸。衣。獄。不。屈。死。之。有。收。其。遺。骨。得  
 所。白。書。曰。忠。孝。  
 歸。死。生。非。二。

召遼王植徙荊州召寧王權不至削護衛

太祖諸子也。燕王善謀。初燕王嘗巡遼  
 其字正任。得甚教。其自起。善。奉。孝。忠。兩王。遇。燕。故。有。是  
 州。及。判。護。衛。燕。王。喜。曰。取。大。宰。必。矣。乃。遣。寧。王。上。書。告。窮  
 蹙。求。解。陽。若。不。加。詔。削。者。寧。王。喜。請。解。兵。遂。趙。大。宰。  
 監察御史韓郁上書不報。

極論謀臣  
之誤而特  
以一不至  
情如不若  
阿

書畧曰諸王親則太祖之遺體貴則孝康之手足  
尊則陛下之叔父使二帝見陛下為天子而弟與子遭  
顯戮彼雖可廢而在天之靈其能安乎臣每念至此未  
嘗不流涕也此皆豎儒病藩封太重疑慮太深而至此  
夫屠亡萌矣誰不自危周王既成湘王自焚代王被廢  
而齊臣又告王反矣為計者必曰兵不素則禍必加是  
則朝廷激發之也及燕之舉兵廢今兩月前後調兵者  
不下五十餘萬而乃一人無其調之器有等臣可乎將  
不效謀士不効力使使中原無事赤子困于道路迫于  
轉輸年不聊生且以一丁九死之慮無已出人惟罷預  
國大事者方且揚揚自得若無事人由此視之彼其勤  
陛下必謂藩國者果何心哉諸親者刻之而不斷疎  
者積之而不堅外有理也陛下誠不悟此臣愚以為不  
待十年必有變陳之悔矣伏願少遣近臣與減繼絕釋  
齊王之囚封湘王之墓還周王于京師迎楚蜀為周公  
俾其各命世子持節勸燕以罷干戈之舉以厚親戚之  
恩如是天下  
不勝幸甚

江陰侯吳高及都指揮耿獻楊文帥遼兵國永平○景隆

料得遠心  
像難

師次河間山東參政鐵鉉督餉仍贊軍務時景隆乘傳至  
德州收集炳文餘衆并調各道軍馬五十萬進營河間鉉  
飛檄執票水陸並進燕王聞之呼景隆小字曰九江  
梁豎子耳未嘗習兵色厲中餒伎刻自用曷克任事以數  
十萬衆付之是自坑之也趙括今復見矣然吾在此必不  
敢至今須往援永平彼將乘吾出來攻堅城在前大軍回  
擊必成禽矣諸將曰北兵少奈何燕王曰戰則不足守  
則有餘吾在外可隨機應變非專爲永平也直欲誘之至  
而擒之耳吳高怯不能戰聞吾出援必走是我一舉而解  
永平圍且破九江也遂行詔世子嚴守勿出○靖難兵援

降唐何行  
沐祖

永平、吳高退保山海關，復襲破大寧，都指揮使朱鑑死。房  
寬叛降燕，劉貞、陳亨自松亭關來援亨，叛襲貞，降燕。吳高  
既遁去，燕兵追殺數千人。遂議攻大寧，諸將曰：「劉貞守松  
亭，急未易破，安取道至大寧也？」且景隆必擾北平，不如還  
師徐圖之。文皇曰：「今劉家口徑趨大寧，不數日可達。兵  
壯者悉聚松亭，城守特老弱，易敗耳。拔城之日，撫安家屬，  
則松亭之衆不降必潰。北平高壘堅持，而吾以大寧旣拔  
之勢赴之，必克之。」第行。亡撓計。貞亨聞有靖難兵，急趨援  
大寧，亨向有二心。大寧破，遂欲附燕，出貞不意，襲之。貞悔  
曰：「吾失斷也，不得已。」泮海還京，於是松亭師潰，諸驍將悉

降燕。

按朱鑑北平行都司指揮守大寧靖難兵至屬力戰多斬殺既而不支死之上聞之加卹典文皇徽中所謂凌遲萬段者卽鑑也。

靖難兵以寧王還北平大寧既拔燕王駐師于城外遂單騎入會寧王執手大慟惟訴窮蹙所請甚切寧王爲之草表陳謝居數日情好甚篤從官稍稍入城陰結諸胡并思歸之士皆許之既行寧王餞送郊外伏兵擁寧王偕行招諸胡及護衛官校戍卒皆從大寧城爲之一空靖難兵自此愈盛寧府妃妾世子皆攜其財貨隨寧王還北平自後大寧奔與塚顏諸虜其行都司隸于保定而京師東北

遂失一藩籬矣。○李景隆帥師圍北平，不克。時景隆聞

燕王在大寧，遂帥師渡盧溝橋，喜曰：「不守此橋，吾知其無

能矣。」遂薄城下，築壘九門，遣別將攻通州。又結九營于鄭

壩村，親督之以待。燕王之還，令壘營人各爲戰，非受命

不得輕動。遂攻燒順成門。燕府儀賓李讓與燕將梁銘等

拒守甚力。世子嚴肅部署選勇士，夜縋城，砍營南軍擾亂。

退營十里。惟都督瞿能勇奮，與其二子帥精騎千餘殺入

張掖門，銳不可當。願後軍不繼，乃勒兵以待。景隆忌能成

功，使人止之。候大軍同進城中，于是連夜汲水灌城。天寒

冰結，明日南軍雖欲登城，不可得矣。燕王至會州，簡關

...

將士立五軍。命都督指揮張玉將中軍。朱能將左軍。李彬將右軍。徐忠將前軍。房寬將後軍。軍各置左右副將。以六軍歸附之衆分隸各軍。

十一月庚子。靖難兵及李景隆戰于北平。景隆敗走還德州。時景隆日夜戒嚴。士卒植戟立雪中。凍死及墮指者甚衆。燕王謀知之。謂諸將曰。違犯天時。自斃其衆。吾不勞而勝矣。景隆遣都督陳暉領哨騎渡白河。燕王帥精騎薛祿等追擊之。暉敗。復悉銳攻一營。莫有救者。遂連破七營。遂逼景隆營。張玉等列陣而進。至城下。城中亦出兵內外交攻。景隆不能支。宵遁。翌日九壘猶固守。北兵破其四



三  
萬  
可  
作  
費

封  
鼓  
舞

各  
引  
訓  
為  
解  
據  
具  
見

星諸軍始聞景隆走委弃兵糧晨夜南奔景隆遂還德州  
燕諸將稽首賀王曰前臣等請破景隆然後攻大寧而  
殿下不從睿筭神謀制勝料敵無一不酬何其神也王  
曰此適中爾向卿等所言皆萬全之策我所未用者度有  
可乘之機耳此不可為常法但後有商略無難於言  
燕府再上書遂傳檄天下

書曰臣叨奉宗藩兄惡惟好橫加大惡上書自陳今歷  
三月未蒙審察累發大兵討賊不已竊聞朝廷論臣有  
不軌之事入謹陳其詳惟陛下垂察其一謂臣議能論  
額祖訓職掌條王府官軍不拘數目各王府皆然此奸  
臣枉臣一也其二謂臣不當無事操練軍馬祖訓兵衛  
條王教練軍士是數不拘此奸臣任臣二也其三謂臣  
不當於各衛選用官軍祖訓軍職條王府武官千戶百  
戶從王於所部軍職選用內用開奏直謁御前願降詔教

此奸臣在臣三也其四謂臣私養親親健卒本洪武中  
歸附處於北平其五謂臣招致各處異人衛士養于府中  
臣在臣四也其五謂臣招致各處異人衛士養于府中  
日久論議為非竟無上名此奸臣在臣五也其六謂臣  
府中守禦四門不當儲蓄皇城守禦之制更番甚嚴祖  
訓兵衛條凡王府守禦宿衛衛所考此奸臣在臣六  
也其七謂臣宮室奢侈此奸臣在臣七也其八謂臣第  
因元之舊非臣宮室奢侈此奸臣在臣七也其八謂臣第  
子高煦過涿州擅管驛官此臣失教然管一驛官遂指  
為臣不執之迹竟置已其何以服天下後世此奸臣在  
臣八也且陛下與臣皆出太祖高皇帝孝慈高皇后  
於國取義奸臣猶得誣以姦惡則跡遠小臣天下細民  
欲其死地可坐守理耶其不獨亂天下無危宗社不已  
也蓋今諸王之中臣序為長周濟相岷五府已去獨臣  
未去臣去則楚蜀秦晉諸國不難去矣寧王無罪此又  
創其護衛譬諸人牙手足皆去身能全乎伏望陛下鑒  
臣愚誠思宗社大計斷然不  
惑去此奸惡臣某頓首頓首

十二月岷府典膳李英等伏誅○靖難兵攻廣昌守將楊

宗叛以城降時景隆駐德州燕王知其銳意後舉曰我先趨大同彼必來援南兵脆弱不堪此苦寒地藏於奔命不戰而屈其兵矣遂出紫荆關攻廣昌○河北指揮使張倫等結盟報國

按張倫負氣節喜觀古忠義事錄鉅州馬宣曾瀛等起兵攻北平不克死發憤因率兩衛官軍南奔結盟報國初從景隆軍已從盛庸軍多戰功後死義

以工部侍郎練子寧爲吏部左侍郎○茹常復爲兵部尚書

按子寧名安以字行嘉善人處居汪伯尚之子初從竹莊先生游命賦本村茶詩曰千山暮雨石泉通一簣春雷發龍長谷之長對言今日用人狗名而不求實公善罪進小過解發非育才用人之道則切無忌諱嘉帝

清語有寄  
楚之也

加之何名

皇明續信錄

卷十一

親提第二校翰林修撰內職力行食禮已復補翰林至  
御史大夫景隆召還子寧請誅之不聽後漢叩首言此  
賣國奸臣倘曰執法不能除之請先伏誅遂至罷朝則  
是修蕭用道上書指斥川事者誤國用事者怒且詰子  
寧曰事已至此尚不能容直論乎帝命曰子寧被縛至  
語不遜文皇命斷其舌且曰吾本意欲用公輔成王  
子寧手探舌而大書地上成王安在遂族誅綱戚生戾  
邊者百五十一人所著詩文名金川正集正德中江  
西學憲李夢陽為金川書

加景隆太子太師

景隆敗子寧自為隱漢上不盡聞且六將國  
大臣故有是命祿賜更書金幣珍恤加褒榮

省躬殿成殿在乾清坤寧二宮間置聖訓其中以前父丹  
書之青夏書宮室聲色之戒命方孝孺製銘○選募謀勇  
士以勸本為錦衣衛鎮撫周拱元為所鎮撫

只曉缺忌  
可恨可嘆

有罪氣

通注書美

按本、中年人、精通法、吳王撫軍、本請登臺觀兵、見大水  
森茫、一軍無跡、王駭問、本曰、此水通也、及帥師北向、本  
常持三十斤鐵棒、臨陣、北軍披靡、無敢前、屢取勝、景隆  
忌本、不上功、本約日出戰、請繼兵、景隆曰、種得瓜熟、容  
別人採去耶、不救、本怒、請治景隆罪、且曰、喪師失律、  
亦云屢矣、取州文表、宗、喪士二十萬于燕地、不忍加刑、  
無數、臣下若此、苟望收功、臣乞假臣為大總兵、用能官  
一員、募義勇、先鋒、參謀等官、悉臣自保舉、用、待命、親王  
監軍、疾馳直前、則可免生民于塗炭、不能用、本孤軍獨  
出、無繼、被擒、繫北平獄、後北兵濟南失利、守國者恐北  
平搖動、索本殺之、文呈大怒曰、本有才畧、不得究用、  
方欲用之、奈何殺本、命收葬之、○周拱元、沅州人、熟諳  
兵書、善占候、信孚、屢沅警、嘗從征、引步兵防餉、有功、不  
知所終、

恭懷天將軍軍務高、敕使燕、幾願使燕、拔忠肅、陳禮義、  
禍福許之、至燕、稱國朝處士、臣幾上書、燕國大王不報

既奇之又  
不能用挽  
為養黃所  
挽

院編修

按建州入事母蕭至孝。武十五年，應貢入大學。十七年，在老學使前軍督府辦事。十八年，上疏墾荒田，神末技，慎選舉，恤名器，數事。太祖嘉納之，後坐厥事，不稱旨，謫貴州關索嶺，許任代役。上即位初，知州王象廉，詔辟臺上書內一狀云：今日肅封過茂，親王多驕，不法，違犯朝制，不削，則朝廷紀綱不立，削之，又恐傷親之誼。事屬難處。詔曰：欲天下治安，真莫如削之。而少其力，力少，則易使。以義國小，則無素心。真義制，諸侯之良策也。臣愚以為置是錯削奪之策，行主父偃推恩之令，則藩王之權不削自弱，其賢如河間，下詔責禽，驕逸不法，如淮南、濟北者，初赦而終勸懲，合親王告太廟，明治其罪，而廢處之，為有不聽服者，或惟皇上覽察焉。上奇之，不能用。命參景隆軍，已使燕、景、隆兵敗，自投南歸。後京城破，繫死驛舍。時有高不危者仕建文，死義第宣成海南，子羅兒充軍，頂兒監候。驛決家屬男婦十三名，或曰不危，即高巍字，非是。

以錢芹為行軍署斷事，茅大芳為副都御史，葉砥為翰林

蘇公亦可  
死死

按錢芹字繼忠吳人少好奇飾洪武初辟督府掾從中  
山王出沙漢解職閒居者二十年郡守姚公善虛懷請  
見芹授一冊竟不交言而退冊中言勦土事善薦為戶  
部司務尋從大將軍咨議軍事多所斷置入奏道病卒  
猶條兵事上執政葬吳縣之黃山○大方大興人博學  
能詩文或贈之詩曰陸稼此日能為賦賈誼何時復注  
書洪武中以儒士應辟典教淮南召對悅之擢秦府長  
史勉以董子輔相之素賜資甚密大方感激額其堂曰  
希董方孝孺稱人芳志意偉然不亢不諂深有得于  
正說問道之旨在都院嘗遺詩淮南并幾梅殷勤燕情  
息近如何何聞道將軍志不房縱有大龍翻地軸真教鍊  
騎過天河關中事業蕭丞相塞上功名馬伏波若我  
才無補報西風一度一悲歌四月八日死之予三並論  
死二孫死獄中○葉瑛上虞人有學行洪武二年進士  
除定襄縣丞坐累謫涼州杜門力學諸士爭從瑛元  
年求賢張以史才召修國史改廣西按察僉事承樂  
堂書時難事多徵詞被逮藉其家惟  
卷錄僅釋之仍命勸教永樂大典

罷齊泰黃子澄仍留京師

以文皇再上書諸  
誅而人始罷兵也

楚

朱子曰。罷齊責足。拜替難耶。何愛二人而不以謝。二人何愛一身而不以存社稷。其心焉可也。如漢。新錯東市。亦可也。各逐而實留之。謂國體何。虞。有心。特借二人以祭難。逐亦來。不逐亦來。又安。人以示朝廷。怯。此兩人實醜。非能賢也。陽逐陰留。旋還。幾見如此。而國不亡者。

庚辰建文二年

舊考洪武三十三年

正月丙寅朔。天下官員來朝。免賀。○靖難兵攻蔚州。守將王忠李遠以城降。遂逼大同。

二月試天下貢士。禮部尚書陳迪。右侍郎黃觀等知貢舉。翰林學士董倫。太常少卿高遜志。充考試官。右拾遺宋達。吉。史官吳勤。葉惠仲。趙友士。徐旭。張秉堃。同考試官。御史王度。俞吉士監試。



扶黃觀貴池人。客八領鎮。父學元。黃噪。噪死節。觀益自奮。洪武二十四年。會廷試。俱第一。翰林累陞。今官。文。皇來索。齊黃觀。草答。詔極其詆斥。四年。來詔募兵。上。院。且督諸郡勤王。至。王。安慶。聞變。大哭。謂左右曰。吾內必死矣。知其不辱也。想鬼葬之。江上。明日。家人自京奔至。言翁夫人暨二女同被執。有象奴索紙。縛出市。酒肴夫人急携二女并率家屬十人投淮清橋下死。觀喜曰。信。至李陽河。聞上崩。朝服束向哭。拜投滿。族中朝使者。今舟人急釣之。得其冠以獻。文皇命吏。駕象觀取冠。冠之。判于市。藉其家。并迷姻黨。洪熙初。得釋。柯進傳其事。正統中。縣令龔守愚。就觀故址祠祀之。王度字子忠。歸善人。通經史。能文。以儒士薦為山東道監察御史。有風裁。疏十餘上。多見采行。與調兵食。東昌之捷。用度密陳便宜。四年秋。謫戍河州。坐語不遜。戍其族。

詔均江浙賦人得官戶部 詔曰國家有惟正之供田賦

不均民不可得而治江浙賦獨重而蘇松準私租起發特以懲一時頑民耳豈可為定則以重困一方宜悉蠲蘇松

今錄  
縣三斗  
軍人不  
戶部呈  
除後一  
建文之  
取

照谷處起科。不得過一斗。田賦既均。蘇松人仍依戶額。

○湖廣左叅議楊砥上書請罷兵。安置遼東。

景隆遣燕書。時北兵攻大同急。景隆疾引兵出紫荊關。

燕王自居庸關還北平。不得戰。內兵凍死甚衆。景隆因致

書北平。請息兵。不報。○保定知府維僉叛降燕。

三月策試禮部貢士吳溥等一百一十人。賜胡靖王昆李

貫等進士。及第出身有差。靖具貫授翰林修撰。二甲吳溥

楊榮楊溥授編修。金幼孜陳繼之。梁成黃鉞。胡濬授給事。

中皆知名士。稱得人。後勲名顯者甚衆。

按靖初名應。對策題落梁。人心不推。上喜。擢第一。且曰胡寧可。廣平。照更名靖。○陳繼之。蕭田人。既授戶



黃給事朱鑑者一老民引至葛澤農牧處  
指其舍錢從素幕中執語殺口供盡窮而歸曰城居  
克難柔其操致如此錢死時止兵四出捕善書錢者其  
升錄錢錢親交人人自危福獨不避忌諱后記錢都  
諸武弁犯法被黜者悉叛走降燕燕盡復其舊職

朱鑑曰高皇帝起布衣奮一劍成帝業專志右武  
當日干城爪牙輻輳歸命爭効死以集事賜名關馬  
是時左班不得望幸澤而亦無短長可效不遵定制  
修諸章鼓篋奉上帝而已及至建文皇帝正思講  
學恬武教文希紳親而介出蹕于是粉苑有錫談尚書  
登一品而文臣莫不踴躍致身趨死如歸其稟稟亢節  
者無慮彌百數蓋振古一創見而武臣忠憤拂底叛附  
接踵其臨陣生心耳乃時者多至于千人皆身為將師  
都督指揮者也砥柱遺流增國壯烈自魏國公祖父子  
登謝公貴馬公宣朱公器外幾何人哉嗚呼朝相反曾  
不其逢一何文武離合之異也豈非上所化哉  
人主治世德威格之不足意利移之有餘矣

四月朔李景隆會兵德州郭英等進兵冀定以圖燕○靖

漢書卷之  
所法其獨  
以慰其心  
也

難兵至白溝河景隆率諸將兵合戰都督平安斬其將陳  
亨靖難兵復戰內師大敗都指揮程能俞通淵滕聚力戰  
歿之魏國公輝祖殿軍還

按是月辛丑燕王率眾渡馬駒橋南駐武清縣王景  
隆軍至河間先鋒平安先至白溝河郭英胡濙等自真  
定移營保定期會于白溝河燕王進至固安謂丘福  
等曰李九江志人而無謀喜專而違衆郭英老邁遲鈍  
平安復而自阻胡濙驕殺不法吳勝諸將而無厭敵于前  
匹夫其來無能為也惟法其衆耳然衆不呼侍也夫衆  
易動擊前則後不知擊左則右不應前後不相援左右  
不相應徒多無益也况彼將領不專而政令不一紀律  
不嚴而分數不明往者鄭村橋之戰衆非不多兵甲非  
不利逐之即敗至今慮彼將領不專而政令不一紀律  
不嚴而分數不明往者鄭村橋之戰衆非不多兵甲非  
將志衰則三軍之勇不奮而敗將形失其甲兵雖多  
猶難奮適足為吾之資耳爾等遂發兵以爲我害  
燕之如拾地芥天亦將患爾等遂發兵以爲我害  
李景王馬輝祖營于燕家營其夜大雨于燕家營

王坐交廣徐旦已未燕與燕白燕不安伏燕與燕  
 擊王王陸平安監子往雲吾出塞在胡燕吾與燕  
 敢為先鋒今日吾且破之使心慮俱落安曉勇對擊互  
 有勝負燕屢却會都指揮何清被執方昭安收兵還燕  
 時景隆胡觀郭英吳傑等合兵六十萬聯署白溝河大  
 大吞一軍峰擁馬開地中人馬遇之輒顧燕與燕兵大  
 戰燕王從三騎殿後迷失道下馬伏地視  
 河流辨東西始知營在上流余卒渡河而北  
 庚申燕王率眾渡河胡騎三百叛降燕燕胡騎拮据  
 省吉盡掩殺之是日景隆諸軍進戰被燕後軍房寬讓  
 俱走平安善鎗刀斬燕陳平大將也已而高煦帥精騎  
 數千合燕王接戰兩軍相持都指揮署能引其子及  
 精兵萬餘人奮躍而前大呼滅燕斬百餘騎景隆遂麾  
 諸兵乘敵後燕王見張玉來能立福陣動急又見陣  
 後塵起曰敵統出吾後矣急馳騎赴之戰甚力左右曰  
 彼眾吾寡奈何宜退就玉軍可以并力景隆等叫眾登  
 進矢石俱發注如雨殺傷甚眾燕王三易馬三被創  
 持劍奮擊劍又缺折稍却馬躍能幾及之燕王急走  
 從登高處伴麾觀若招後繼者景隆等疑有伏不敢上  
 燕王述卒不馳入陣陣動會於城忽起折我大將漢內

孟子  
不曰

軍大亂。崩聲如雷。罷能父子力戰死。命通潤滕聚等皆  
死。燕王因命乘風縱火。燔諸營。時河老于是郭英等  
潰而西。景隆潰而南。委弃器械。皆萬計。所被殺溺  
死者二十餘萬人。燕兵又追至月樣橋。降十餘萬人。景  
隆單騎走德州。初。景隆在師中。上遣中官賜璽書。斧  
鉞。渡江。忽大風雨暴作。舟破盡沉。諸江。夏四月。復賜之  
至。是復盡為燕軍所奪。景隆素專恣。紀律不嚴。雖令煩  
數。議者以爲將非其人。天之不假易耳。白溝暴骨如莽。  
過者悲焉。是役也。揮祖水。上

命師師未殿。獨得全軍以還。  
陳建曰。景隆真一趙括。文皇方幸其來。而于澄乃中  
敵人之所幸。烏在其爲謀國。雖然于澄之誤。天將以成  
我。文皇之大業也。天之所造。雖智者失  
其籌。勇者失其力。而況于澄。景隆之流乎。

五月。景隆奔濟南。靖難兵入德州。轉掠濟陽。儒學教諭王  
省死之。

燕兵執教諭王省既而釋之。歸生明倫。金代鼓集諸生  
曰。建文者。明倫今日君臣之義。何如。遂大哭。諸生亦

人必不以  
位之滿下  
誠之厚  
者知難  
難之先後  
危

有以顯其節而死者其玄靜通即星用簿聞增無兵太  
顯盛矣必成節而遠人求父道信亮得之以歸其省子  
神淵妻州亦抗節死賊中省子寧命吉水人其教有津  
州府學教授陳思賢者及名人革命日語至思賢堅好  
不起迎召其徒伍性厚陳慶宗林珏郭若愚曹廷瑞呂  
賢謂明倫之美正在今日從容設舊諸位哭拜如禮遂  
見執思賢暨六生至京師死之  
嘉靖中學副郭鏡立祠祀之

督餉山東蔡政鑑鉉泰軍高嶺自臨邑還守濟南○靖難  
兵攻濟南景隆出戰敗奔入城被圍鉉薨及統兵盛庸力  
禦却之

景隆南奔薨鉉隨之以臨邑感一時義望望風奔潰方  
對酌端午悅饌涕泣以死自悉相期協守濟南以須後  
援遂薦人募兵并集遺士士卒景隆自德州來就鉉丁  
丑薨王幸宋趨濟南已郭景隆出兵合戰城下敗入  
城撫兵遂圍城疾攻遂薨等悉力防禦大挫賊軍燕王  
射者出降生員高賢等作周公輔成王論答射諸將兵



別  
附錄而克

辛巳 燕王命其下隄水灌城中。城中大懼。鉉曰：無恐。鉉乃詐令軍民出降。燕王大喜，止灌。鉉伏勇士閉門。城將破，鉉書高皇帝神牌縣城上，師不敢擊。鉉每出不意，募壯夫突擊北兵，皆破之。燕王甚憤，計無所出。

按盛庸以靖難兵起，充參將，嘗從長興侯曹國公出戰。濟南之功，封侯。代景隆總兵東昌、火河，殺燕兩大將。四年，累敗歸附。文皇帝命守淮安，改守山東，即致仕。有子戶王欽，御史陳瑛發庸私，謂有異謀，請誅庸。遂削爵，暴卒。○高賢寧，濟陽學生，受學于教諭王省。時偶在濟南城上，故為苓論已執至。文皇帝云：作論秀才耶？好人官之。固辭其友紀綱時為錦衣衛指揮，俸用，勸就職。事曰：子以軍旅發身，予書生也，食廩有年，于義不可。綱言于上，得遣歸。年九十七而卒。

八百媳婦國入貢○遣尚寶司丞李得成使燕議罷兵

濟南圍急，子澄等計請和以息燕。得成條說請行。見文皇帝濟南城下。文皇帝悅，同得濟黃乃解兵歸。燕以金

卷一百一十五

居命下獄  
尋釋之

八月靖難兵圍濟南三月不能破僧道衍曰師老與解去  
鉉庸等乘勢復德州勢稍振朝廷不復以燕為意矣○改  
謹身殿為正心殿○改方孝孺為文學博士翰林院  
增置額

### 九月阜門成遂改題諸門

祖訓序曰凡我子孫欽承朕命無作聰明亂我成之  
法一字不可改易非但不負朕重法之初意而天地祖  
宗亦予祐于無窮矣建文親承祖訓陵土未乾奈何  
悉取而紛更之將何以致神明之手佑只此一事已足  
以致  
亡矣

徵洪武功勲誤廢者子孫錄用之

十月靖難兵襲破滄州徐凱等被執

時平安吳傑駐定州盛庸屯德州徐凱陶鑑城滄州為  
倚角之勢以困北平燕王密謂張玉曰德州城堅衆  
聚定州修築已完獨滄州新築凍土易敗疾攻之可旦  
暮得乃佯言征遼東至通州循河而南渡直沽晝夜兼  
行抵滄州城下列營凱等始覺倉卒出戰賊績入城守  
燕兵攻破城東北凱及俞瑄趙祥胡原李英張傑將校  
百餘人皆被擒燕將譚淵夜投  
降卒三千餘人械凱等赴北平

清遠衛卒羅義上書下義獄

義言息兵請和事并條上北平書稿下獄請難  
後文皇出義獄中擢戶科給事中尋陞左參政

賞濟南功封盛庸歷城侯充平燕將軍陞鐵鉞山東左布

政使尋陞兵部尚書仍參贊軍務召景隆還

景隆召還敕不誅黃子澄練子寧固請誅之不聽子澄  
拊膺歎曰誤薦景隆萬死不足贖罪有向方有  
低哭向蒼天  
幾墮冠之句

年燕將軍庸左右副將軍陳暉平安恭將馬濟徐真恭贊  
軍務鉉督兵北進

泉島六氏

十一月 燕王移直沽之舟至長蘆載獲輜重順流而北  
王自循河而南庸兵襲其後不克 燕王遂至臨清掠大  
名焚我軍餉十二月靖難兵至汶上掠濟寧庸鉉率兵躡  
其營東昌遣先鋒孫霖營滑口而燕將朱榮劉江襲破霖  
都指揮唐禮被執霖走乙卯 燕王至東昌庸背城而陣  
具列火器藥弩以待燕方恃屢勝直至前衝庸左翼不動  
退而衝其中堅庸麾兵圍 燕王數重會平安兵亦合庸  
益銳大戰斬其大將張玉燕騎往往有棄甲降者而朱能

等率胡騎奮擊我東北角於是西南漸薄 燕王易服登  
躍馬以出燕兵爲火器所乘大敗走庸趨兵追之擊殺無  
算丙辰再戰燕又敗步卒先走庸乘之復殺傷無算北平  
震動先是庸鉉聞燕兵且至先簡閱精銳勵衆晉師盛犒  
宴將士人人思奮遂大勝燕出師以來未有也當燕兵敗  
北時 王獨以一騎殿後特禁也 帝適高煦領指揮革聚等  
兵至獲庸部常指揮等數人而去靖難兵既退駐館陶而  
庸遂飛檄真定滄德諸將水陸犄角以邀燕歸路竟不及  
然燕大喪氣矣○詔舉優通文學士以處士唐愚士爲翰  
林侍讀○以鄒瑾爲大理寺右丞

上制翰林方孝孺集古初以來經史中事爲一書以  
夜治亂昭聖戒孝孺首薦愚士名之淳以字行山陰人  
負奇好學性孝其父肅爲洪武中應奉翰林文字有文  
名愚士得游公卿間宋濂器之肅請死愚士奉喪歸慕  
求父遺文雖荒鄙殘壁畢集不遺爲文蔚瞻長于詩統  
達世故曉遇遂卒君子惜之○鄒瑾永豐人洪武末薦  
至京起教諭遷監察御史王紱稱其志篤才敏  
議論磊落忠義其天性也卒命曰不屈死之